

正陽縣志

袁乃寬署

重修正陽縣志目錄

卷首

序

凡例

修志姓名

目錄

圖

縣總圖
巒宮圖

五區分圖
黃公祠圖

城關圖

四大鎮圖

卷一

地理

星野
山脈

疆域沿革
河流

縣治形勢
水利

距離道里
古蹟

疆界道里
古蹟考
治區沿革

建置

城池
工廠

街巷
營防

官署
舊蹟

局所
壇廟附宗祠

學校
寨堡

倉廩

卷二

政治

縣政組織
自治機關

政治沿革
爵職紀

民政
職官表

軍政
政績傳

警政

司法

財務

田賦附附加

公款機關

稅項

捐項

雜項

交通

驛站郵政

電報

道路

橋梁

津渡

水運

實業

農業
牧業

林業
商業

動物鳥獸
魚蟲
工業

漁業

蠶業

蜂業

卷三

教育

學宮
學校

學規
典禮

教官
鄉儀

書院
風俗附節序

義學
宗教

教育機關

選舉

徵辟

科貢

議員

學校畢業

大事記

附清鄉局
普濟堂

振務會
育嬰堂

慈善局
養濟院

政黨沿革

卷四

人物

附方技

游寓

卷五

人物

卷六

藝文

經傳

著作書目
集文

卷七

藝文

集文

集詩

卷八

藝文

集詩

金石

卷末

雜綴

軼事

異聞

舊志序

重修正陽縣志卷二

總纂 光山

堯初

陳全三

編纂 邑人

益三 漁村 少章 子翔

潘守謙 呂兆璜 吳彬貽 鄆鵬雲

校正 邑人

紹宣

趙憲章

政治志

叙曰。正陽政治。乾嘉之際。尚稱極盛。道光時流風猶存。自咸豐運劫。邑左近張岡暴動。縣網頓弛。一時蠢蠢蚩氓。雲擾全境。復何政治之可言。洎同治中興。歷光緒三十餘年。官政雖無甚優良。民治猶不失正軌。民國四五年後。法遞變而莫宗。一是人日新而奏效維艱。甚或不慎汲引。潛釀亂源。卒致盜賊公行。城陷多次。民苦不堪。而政治當局。亦付之無可如何。而多不聞問。政象若此。圖治不容緩矣。所有百餘年來。縣局實蹟。合直書之。用昭法戒。志政治。

縣政組織

清代縣署行政。應用員役。分內外二部。內部助治之要者。爲刑錢幕賓。通法律。熟例案。密主縣政之中樞。其人賢。則治化進。故資屬賓友。主官以師禮遇之。次要爲稿案。司文。件收發。爲內外喉舌。資望雖微。關係頗重。故縣官於斯二者。必慎重人選。其他則驅策無拘矣。外部係庶人在官供差者。約分二項。一爲科房。一爲班役。正陽科房有八。曰吏。曰禮。曰戶鹽。曰倉。曰承發。曰刑。曰兵。曰工。另有二庫。亦稱房。管契稅者爲東庫。一名稅契房。管丁地者爲西庫。一名戶房。定名八房。其實則十房也。縣班役。普通祇壯快皂三班。正陽則三班各分爲頭二兩班。共稱六班。其中因專責捕盜。又增加一捕班。而爲七班。各房設房長一人。收徒三數人不等。承辦該本房例公文件。暨經管訟案。並徵收一二保地丁錢糧事務。各班設班長一人。收徒數十人。甚至數百人之多。承辦縣署奉侍。送遞文告。傳案緝盜。一切奔走事務。按定制。各房吏。班役。均有定額。名登記簿。由官欸發給。規定工食銀兩。正陽自清嘉道後。官卽不發此項工銀。各房班。生活用項。均藉經

辦公務。取給於民。是以任辦何事。各吏役均得創立名目。向民戶勒索銀錢。縣官亦置不聞問。民之累於吏役。實官爲之也。民國初元。因仍舊蹟。裁減陋規。去其甚者。厥後迭令縣署分科辦公。裁房吏。用書記。裁班役。招政警。正陽仍就各房班原人。改換名稱。並未實行更動。至十七年國民政府成立。改縣署稱縣政府。始取消各科房形式。仍用舊房吏充書記。入科辦事。遇缺則間招新人。政警則猶是舊班舊人。未變也。直達民國二十年。因丁地錢糧關係。始將舊式之管店班役。完全撤消。代以政警隊長。其存者。尙餘舊管錢糧之房吏。現仍充徵收處書記。

政治沿革

前清縣政。惟知縣一人自主。文武僚屬。間參末議。士民祇居受治地位。政務毫不與聞。正陽在有清一代。縣運衰替。文化不彰。咸同以前。官施政於上。民受治於下。純粹一官府獨裁政體。初無政治思潮之發展。間有公正紳衿。感受政治黑暗。有所聲請。上峯輒以妄干政務。不守臥碑條文。嚴加箝制。其蚩蚩者可知矣。是爲官治時代。迨道光末葉。

人心思動。土匪蔓延。鄭公元善來宰斯邑。審時度勢。知行政事務。非借重士紳。難與圖治。遂折節禮賢。時與孝廉傅必端、吳清俊、張歲貢嘉詠、王廣文、夢清、涂庠生平章、王增生卓然、余貢生文明、葉宅禮樵、立初、昇初、葛民、諸名宿迭相過從。討議縣治。地方秩序藉以保全。是爲民治胚胎時代。咸同之際。洪楊新潮波及毫汝。邑東張鳳林揭竿一呼。顛蒙四應。縣政失馭。民不聊生。遂各築寨自衛。與官府關係無形中斷者。將及三年。此時政不成。治無可言。是爲官政民治遞嬗混沌時代。同治中興以後。大亂初平。官民相與。驟難愜洽。勢不能不有道焉。幹旋其間。以維官令而通民志。於是有張寶禧等賢令尹。曲體民隱。汲引士紳。在城則下交袁報來、王均禮等。籌商要政。在鄉則分店擇賢。協助政治。名曰首事。是爲官治開明、民治萌芽時代。光緒末葉。鑒於民氣難遏。毅然下詔。實行地方自治。預備立憲。光緒三十四年。縣委袁丕行等籌辦自治。劃分區鄉。調查戶口。宣統元年。選舉省諮議局議員一人。民治始現一斑。又二年。宣統遜位。民國紀元一月間。國民黨正陽縣黨部成立。六月縣議事會參事會公款局同時成立。一

時百度維新。是爲民治幼稚時代。民國二年，民黨失敗。三年一月，縣議參兩會，同時取消。縣正衛營成立。民治又變爲官治。民國十年，省令組織縣地方自治。選舉街村長，暨各區長。自治僅負虛名。未能實行職權。敷衍至民國十五年。區長因部分動搖。全體停職。其街村長之僅存者。祇以供官府匪軍籌款之役。不惟於民治無補。且重加累焉。及南京國民政府成立。訓政實現。自治普行籌備。至十九年，新十二師駐編。又復中斷。二十年，各區長正式產出。區公所亦先後成立。迄今辦理多年。有秩序較整者。餘則人選波折。事多蹉跎。政治誠未易言也。

民政 土地 戶口

土地行政。自井田廢後，無良法。清初沿明舊制。各直省田制。除屯田歸軍外。餘田盡屬之民。阡陌無定制。邱段無常度。售典由民自主。價目之多寡。疆界之區別。官府不與焉。政法之所得主持。惟丈量以定畝制而已。

查大清會典。凡丈量。按部頒弓尺。廣一步。縱二百四十步。爲畝。方廣十五步。縱十六步。有司於農

隙時。親率里甲履畝丈勘。以定疆界。杜占爭。均畝賦。有差委滋擾。及徇私者。罪之。州縣冊籍。原載邱段。四至不清者。丈欺隱牽累。有地無糧。有糧無地者。丈畝步不符。賦則或浮者。丈熟荒相異。旗民鹽竈。及邊地民番相錯者。丈壤界相接。畛域不分者。丈荒蕪召墾。寄糧分隸。田在此邑者。丈水衝沙壓。公占。如開渠築堤應抵。以他地撥抵應豁。除者丈瀕江瀕海之區。五年一丈。視其或漲或坍。分別升免。此遜清土地普通政法也。正陽舊無軍田。其民田丈量法。遠年不可知。道咸以後。田宅之售典。畝數經界。類皆包弓估段。因仍舊迹。間有疑點爭執。官派工房。丈量解決者。偶或行之。非常例也。其通行政法。惟售典契約。呈官印驗。納稅過差。以明無私而已。民國初元。功令清丈地畝。正陽知事丁景炎。已按店分委清丈員。按畝收費若干。嗣因地方滋事。未終實行。民國十二年。又令呈驗老業舊契。繳納驗費。正陽由五區區長蓋戳經理。亦因一部弊生。未盡澈底。民十七年。契稅局成立。委派各店勘丈員。經理售典畝數。其實注重催稅。畝制含糊。如故也。至沿江沿海漲坍升免之例。正陽亦適用之。縣屬南淮北汝。漲坍在所不免。清代。每

歲由縣宰查淮汝沿岸漲坍若干繪圖具結以便伸題升免道咸以後視爲具文縣官歲諭沿岸紳首各具河圖結一紙經承書差藉以索費遂爲竣事其實田園之水衝沙壓坍崩漂沒應豁不豁累民無聊者不顧也灘地之淤漲可耕增畝數倍應升不升者不計也邑屬之公產學產廟產所在頗多其在城者如舊縣治城西舊倉房黃公祠南舊教場縣政府東北南至馬王廟前北至郭家巷東西各至小街心彌勒寺一名大寺關岳廟一名小寺城隍廟舊節孝祠鍾塘東有石坊鍾妃塘西門北文昌宮巒宮前在關如東岳廟古龍池先農壇籍田水火祠琉璃殿老君廟真武廟十方院甘泉寺等前清之完全公有公管者今皆破爛淆雜漸侵漸削尙待徹查釐定其在四境之犖犖大者如白狗城之舊址遺濠臨淮城之南濠今名遺花湖清水慎汶白閭各河港之沿岸荒陂均可用土地行政計畫經理酌辦水利漁牧森林各實業爲縣民開絕大富源

戶籍之法古書備載遠不必詳查大清會典凡編審直省戶口以五年爲期州縣官通籍境內民數每百有十戶推丁多者十人爲長餘爲十牌牌繫以戶戶繫以口編爲一

冊是爲一甲。立甲長。城中曰坊。近城曰廂。在鄉曰里。民年十六始傳。六十以上除之。布政使司以所屬此冊。上之督撫。督撫疏報。以冊達部。部受直省之冊。彙疏以聞。以周知天下生民之數。正陽戶籍辦法。向由各店。公推保正一二名不等。每歲季向縣官領取門牌。填註花戶丁口習業。沿家發給。十戶爲牌。立牌長。造冊彙呈縣官。以綜核民數。清季保正失選。降爲賤役。不惟戶口弗清。間或弊滋事端。保正名法。因以裁撤。而縣民戶口數。益難確定。直至民國十八年。籌備自治。一經調查。戶口之數。始近真實。茲據清中葉後戶口編審之較爲實在者。分列如左。

清乾隆六十年。實在民戶一萬九千九百三十五戶。共一十萬零六千四百三十三名口。

清宣統元年調查民戶。共四萬三千五百有奇。丁口共二十三萬五千七百有奇。

民國十八年。調查縣民戶口。共五萬九千二百五十三戶。人口。男丁共一十八萬三千四百九十名。婦女。共一十五萬三千六百五十九名。男女共計三十三萬七千一

百四十九人。

按此次查後。繼以十九年。兵匪糜爛。二十年。勞疫奇慘。二十一年。厲疫酷旱。迭肆戕殘。又迭遭東西桿匪。蹂躪全境。殺擄甚多。是年冬。專辦保甲。編查戶口。實有五萬三千四百戶。二十七萬九千零二十四名口。

軍政 官軍 民軍

把總汎廳。清順治三年。正陽縣設把總一員。駐縣城。歸汝寧府營參將統轄。仍兼防新蔡縣。乾隆七年七月內。爲量地繁簡事。詳准。將原設光羅兼防千總一員。移駐光州城。羅山與正陽附近。歸併正陽汎把總兼防。民國元年把總缺裁撤

馬兵二名。步兵十八名。民壯五十名。乾隆時。裁留二十二名。均隨營操練。

查明舊制。各縣設守城屯田巡捕官。正陽縣有馬民壯八十名。步兵民壯八十六名。以巡捕官領之。有事則聽調遣。無事則隨營操練。

團防 清宣統三年八月。武昌民軍起義。正陽城守營把總。兵力失效。土匪蠢動。縣紳

學請淮南汝光浙道籌辦團防。公舉袁瀛洲爲團總。招團丁二十名。十一月成立。民國元年袁紳家驥成團隊二十名。均由縣公款發餉。

正衛營 民國三年。又創辦正衛營。招兵五百名。石廷貴爲營長。按縣有丁地銀每兩加餉錢一串五百文。七年又加畝捐錢每兩銀一串二百文。五年石病故。王永福繼任。六年李秀峯。七年高小山。

巡緝營 民國八年。省令設巡緝營。卽由正衛營改編。營長改稱領官。十一年何玉都爲領官。九月二十一日。張慶梓匪陷城。玉都棄城走。槍支盡失。十二三兩年。購槍百餘支。繼辦。十四年元月。歸袁旅長英。同保衛團一併改編。

武裝警察隊 十四年。奉令就巡緝營殘餘。成武警。設隊長一人。十五年八月二十五日。邑城被陷。原隊星散。

民團軍 民國十七年元月。省令縣武裝警察隊。改爲民團軍。設正副團長。原隊長歸團長節制。省委鮑佩薰爲正團長。袁文繡爲副團長。

人民自衛團 十七年八月，王秦樺匪破城後，省派孫義成接任民團軍團長，旋奉省令改民團軍爲人民自衛團大隊部，委王聚五爲大隊長。十八年二月，省委牛登仁充大隊長，計二中隊，每中隊百餘人，餉仍由舊加，每兩錢二串七百文支給，旋取消此款。改爲每兩丁地附加銀洋一圓五角，又同時成立五區保衛團常備隊，每區一中隊，兵一百名，經費每兩丁地附加洋二圓二角。是年十一月，省委鮑敬管爲大隊長。十九年六月，省委史鍾甲充大隊長。

保安隊 二十年二月，奉令改人民自衛團爲保安隊，委史鍾甲爲保安大隊長，內分五分隊，士兵共二百名，經費每兩附加洋叁角。同時五區保衛團常備隊改爲五區保衛區團，以區長兼區團長，每區團，士兵一百餘名，原有經費，每兩銀附加洋貳元貳角，改增爲四元。

支隊部 民國二十一年二月間，正陽劃列匪共特別區，奉撫綏委員會令，就縣原有武力，改編保衛團支隊部，一支隊分三大隊，一大隊分三中隊，一中隊分三分隊，委史

鍾甲爲支隊長。以原有保安隊暨五區團經費合併。作爲支隊部經費。

保安總隊部。二十一年八月。撫綏委員會取消。省當局另組駐羅山黨政委員會。令縣設甲種保安總隊部。以縣長胡名珍充總隊長。史鍾甲爲總隊附。十二月史鍾甲接總隊長任。

保衛團。正陽自民十一年九月。桿匪張慶陷城。土匪蜂起。拉架日多。縣有巡緝營。殘破力薄。不能維持。十二年四月。南區紳學界請准縣知事創辦保衛團。選舉職員。五月間。組織成立。團總一人。教練一人。文牘一人。保董二人。團丁各村一人。餉捐每差地一畝。常年六十文。東西中北四區。繼續仿辦。十四年元月。袁紳英回縣。收編各團槍支團丁。設旅部。二月任應岐軍來縣。袁西去。後城內設保衛總團部。無實力。十六年取銷。厥後十八年之五區保衛團常備隊。暨二十年之五區保衛區團。均係官辦性質。與此次名同實異。

保甲。民國二十一年十月。奉豫鄂皖三省剿匪司令蔣中正訓令。以正陽縣列入匪

區停辦自治。改爲保甲。即遵頒發保甲條例。及分期進度表。進行舉辦。

第一期。佈告停辦區鄉鎮閭鄰等自治制。說明推行保甲理由。及意義。遴委區長。暨編查委員。籌經費。繪區圖。二十天完竣。

第二期。區長同各編查委員。挨戶編號。令各戶推定戶長。由十戶戶長。推定甲長。十甲甲長。推定保長。由各保長。互推聯保主任一人。編定後。由區報縣。設立甲保聯保各辦公處。刊發圖記。確定經費。印製各項表冊。門牌。切結。等項。三十天完竣。

第三期。由縣發給各區表冊。門牌。切結。各區長。編查委員。督率保甲長。實行清查戶口。編掛門牌。詳填戶口表。及槍支編號烙印。彙報壯丁冊。制定各項保甲規約。繪各保所轄略圖。具連坐切結。填載戶口統計第一二兩表。隨時確報各保各甲戶口異動情形。等事項。三十六天完竣。

正陽縣原爲一百五十四鄉鎮。改編爲一百五十四聯保。四百九十二保。五千零一十七甲。五萬三千四百戶。二十七萬九千零二十四口。內分男口數。十四萬九千三百二

十三人。女口數十二萬九千七百零一人。壯丁數四萬六千零三十四人。

壯丁隊編製。每保編爲一小隊。保長兼小隊長。每一聯保編爲一聯隊。聯保主任兼聯隊長。全區編爲一區隊。以區長兼區隊長。全縣編爲一總隊。以縣長兼總隊長。正陽縣共爲五區隊。一百五十四聯隊。四百九十二小隊。專辦剿匪清鄉一切自衛事項。各區壯丁由省保安處派員分赴各區實行訓練。

戶口異動。由縣府委戶籍員一人。專辦各保人口出生、死亡、婚姻嫁娶、遷出、遷入、六種戶口更動事項。每月將各異動實在情形照表詳填呈報。

保甲規約。由各保自訂。共同遵守。造冊呈報。

各保略圖。由各保長將所轄村莊、河流、溝渠、及面積大小、人數多寡、繪具略圖呈報。

槍支烙印。第一區有快槍二百三十八支。缺把槍二百三十六支。第二區有快槍六百三十四支。缺把槍四十八支。第三區有快槍一百九十二支。缺把槍九十四支。第四區有快槍一百零二支。缺把槍九十六支。第五區有快槍六百五十九支。缺把槍三十八

支。共有快槍一千八百二十五支。缺把槍五百一十二支。其有未烙印者。陸續烙印。查正陽各區保甲辦後。有效力頗著。匪患減輕者。有人選失當。藉滋事端。匪害較劇者。治法同。治人異。是以收效懸殊。

警政

巡警局 清光緒三十二年。縣奉河南巡警道札。設局開辦。局長由邑紳袁瀛洲劉德貴。先後充膺。巡勇四十名。經費籌自門捐。次年。巡勇改名巡警。宣統元年。省委裕州廩生殷桂馨爲局長。兼巡警教練所。所長。辦第一班。次年。張景緒辦第二班。

警務公所 宣統三年。省令巡警局改稱警務公所。局長改爲所長。

警署 民國元年。警務公所改稱警署。所長改爲警務長。添置巡官一名。是年縣屬四大鎮。各設警務公所。各設區官一名。次年。裁撤巡官。

警察所 四年。警署改稱警察所。警務長改稱警察所長。由省委任。旋改由縣知事兼所長。縣委警佐。是年縣紳主廢警務。歸併正衛營。五年秋。省委所長。恢復警察所。復置

巡官。

公安局 十七年警察所改稱公安局。所長改稱局長。巡官改爲警佐。並加警佐一名。

司法

按行政司法。本屬兩途。而縣地方司法事務。自古屬之縣官。縣政之成績優劣。亦半由司法考查焉。蓋普通政治。皆依例施行。官與民不恒相見。其得聚處一庭。問答反覆。情款澈通者。惟訟獄一端。爲最親切。以親民之官。兼行政司法而統屬之。古人立法。良有深意。民國維新。司法獨立。縣地方終未實行。承審管獄。系統雖屬法界。其實權主力。仍由縣長操縱焉。故訟獄亦附諸政治。

放告 民刑訴訟。正陽舊例以三、八日爲定期。狀紙售自印刷吏。縣設印刷吏。縣府應用公文。紳民稟狀。生

童試卷。均歸刷印。定價出售。官代書。通法律者考充。爲民寫狀。繕狀有費。承發房轉遞。稟狀必承發房蓋。有費。查

批有費。批下不發。以便索費。其命盜大冤。得直赴公堂。自擊堂鼓。公堂設鼓。冤者許擊。驚官喊告。官即親出

受理。

查帝國黑暗專制。官尊民卑。公堂一層，如隔萬山。普通訟案。公例上告下批。遇關背不良官吏。有旬月不批。甚或弊弄。留中不發。沉冤難鳴者。間有循良長吏。日親接詞。立予批判。兩造甘服。冰釋無累者。在前清。則有鄭元善、裘寶芳、張寶禧、潘守廉、侯必昌、諸公。在民國。則有張仲友、張錫典、鄧瀛賓、吳政、諸公。類皆訟無牽累。案無留牘。洵可風也。

檢驗 命盜大案。清代特別注重。良好縣官。必依法親臨察驗。慎重處理。次之。委典史等僚屬。驗明嚴辦。民國初年。尙多守此遺風。民十年後。盜賊遍地。人命草菅。官法官心。亦隨之墮落無餘。綜覽正陽近况。歷年焚掠民居數十里。屠戮民命千百人。縣官之賢者。間或請兵言剿。會議營救。甚有不聞不問。安之若素者。尤甚有開門揖盜。藉匪固位者。或謂大桿股匪。縣武力薄。不能抗。似已。若地面小匪。或五七人。或三二十人。以縣有數百武裝。准可剷除無難。乃竟聽其架票殺人。積年累月。坐令滋蔓。浸至於引踞縣城。與官紳混迹雜處。周旋宴樂。恬不爲怪。正陽之官法掃地。匪患特慘。未始非由輕視命盜大案。檢驗廢弛。積其漸。而階之厲也。檢驗之典。顧可忽乎哉。

審判 正陽訟案。一經票傳。差役需索。名目紛繁。未訊以前。有茶錢。盤川。舖堂。份子。經管。開到。等費。既訊之後。有具結。和息等費。一入訟途。卽成債務。冤未能伸。錢已無魂。時而縣官廉明。接詞卽批。傳到卽訊。訊明卽結。並嚴禁書差。不准勒索。如鄭公元善。何公桐青。潘公守廉。張公仲友。錫典。吳公政等。司法誠爲生民保障。其昏庸貪污者。流謬握法權。每一質案。非拖延數月。卽牽累多人。並縱容蠹役弄法。劣紳擺佈。致冤民法庭未入。家產先傾。間有廉正承審。亦感受貪官支配。不能執法。甚或同流合污。枉法不諱。是非顛倒。沉冤莫伸。審判殃民。於今已極。

刑罰 罪犯刑罰。舊有定制。笞。杖。枷。贖。械。梏。縶。鑊。均係依據罪狀。施以刑責之輕重。多寡。不得因喜怒而增減。所以防枉法。禁殘民也。正陽縣宰。明刑慎獄。不乏循良。其非刑濫加。殺戮無辜者。亦歷任多有。如杖斃。餓斃。站斃。擗斃。壓斃。斃命。餘若法定笞刑。不過五十。杖刑。不過一百。有多至數千數百者。有用木槓。擊碎訟民脛骨。致殘廢者。其違法禁押。濫施鑊鎖。及枉罰吞肥。被控追還者。更不知凡幾。孔子云。刑罰不中。則民無所措手足。此之謂也。

監獄 正陽監獄，清末功令改良。迄未實行。民國初年，獄內衛生事項，稍有整頓。較爲清潔。至教育、體恤、化誘、改悔辦法，毫未計及。至管押案犯，前係分寄壯快皂捕各班房。無論案情輕重，備受看役需索陵虐。如燈油、草鋪、茶水、溺器、上串、下串、通問、開釋、節節索費，稍不如願，打罵頻加。更有縣官所派之班管，即管押犯名稱需索陵虐，較看役尤加數倍。並有受賄、軟殺、賣放等弊。種種黑暗，慘不忍詳。捕班房內，冤魂作祟，猙獰駭人。層見迭出。民國六年，知事林肇煌，奉令就驛站馬號地點，改設看守所習藝所。分置重犯於看守所。輕犯於習藝所。正陽獄禁，稍放一線光明。民國十一年，張匪陷城，案犯逃颺。習藝所遂廢。迄今未復。近來監獄，暨看守所，仍有權要擅押、扣尅囚糧、賣放要犯各污點。如二十年，著匪岳金屏等二人，由監獄逃走。二十一年，著匪李棍等四名，由看守所逃走。其他判釋復押、日常餓死押犯等事迹，際此講求感化主義，尊重人道時代，不能謂非監獄主官之缺點也。切實改良，企望將來。

自治機關

自治籌辦事務所 清光緒三十四年，奉省令創辦地方自治。縣委袁丕行爲自治籌辦事務所長。劃縣境爲五區，分組二十鄉。顏以正、正德、陽春、陽和等名目。調查戶口。宣統三年，正調查選民，預備選舉鄉區各長。適值革命軍興，遂停止。民國十年，省令辦自治。郭連益爲籌備所長。區制仍舊。各區劃分街村閭。業選定區街村閭各長，並分別加委。繼以省局變動，均未實行。十五年，各區長因事停職。

自治籌備分處 十七年，省令縣設自治籌備分處。縣長兼主任。朱省三爲副主任。負責籌辦。十八年，奉令辦自治訓練班。十九年，調查戶口，組織區鎮鄉閭鄰。二十年六月，自治實行成立。籌備事務所奉令裁撤。

自治研究所 清宣統二年，縣奉省令，委李樹人爲所長。鄆鵬雲、郭連益、鮑桂馨爲教員。畢業學員一百五十餘名。

自治區公所 正陽自治。依照自治組織法，因舊有五區，以縣城附近十店爲第一區。東境十二店爲第二區。南境十二店爲第三區。西境十一店爲第四區。北境十店爲第

五區。各區於二十年五月，均設區長一人。佐理一人，或二人。事務一人。組設區公所。各鎮鄉閭鄰，亦依次如法組定。各區事務，由區長遵法定職責，稟承縣長辦理。惟第三區另組區務委員會，代行區長職權。所有五區區長助理一覽表，附。

正陽縣五區區長助理一覽表

區別	職別	姓名	別號	籍貫	出身	身備	考	第一區																																									
								區長		助理																																							
								一屆	二屆	一屆	二屆																																						
		郭連益	子謙	八里橋店	清庠生省立自治講習所畢業			袁文繡	錦堂	平等鎮	北平豫立中學畢業自治訓練班畢業			王振乾	子建	平等鎮	清大學生自治研究所畢業			傅元培	少臣	固城店	縣立第一小學畢業自治訓練班畢業			陳燦章	崙軒	平等鎮	縣立師範畢業自治訓練班畢業			潘誠齋	執信	博愛鎮	省立第三師範畢業			潘守謙	益三	中山鎮	中華大學畢業			陳則舜	虞薰	永興舖	學業		

第 二 區 第 三 區

區長

助理

區長

助理

二 屆

一 屆

二 屆

一 屆

二 屆

一 屆

二 屆

陳則舜 全上全上全上

曹萬選 子青 西巖店

胡拱宸 星南 新豐集

曹萬鵬 鵠濟 西巖店

陳世昌 卜五 閭河店

陳世賢 希之 閭河店

熊德超 耀廷 便民店

傅正寅 楷堂 大林店

李家政 慶然 潘家店

王鼎遠 定九 銅鐘鎮

高振漢 賀齋 范庄店

王榮卿 幹臣 銅鐘店

曹廷言 景彬 板橋店

涂心恕 子忠 涂家店

李家政 慶然 潘家店

全上

省立第三師範畢業

省立第六中學畢業

區長訓練班畢業

汝南甲種農業畢業

北平豫立中學畢業

北平豫立中學畢業

清增生自治研究所畢業

縣立第一小學畢業

區長訓練班畢業

省立第六中學畢業

建設廳職業學校畢業

北平豫立中學畢業

縣立第一小學畢業

區長訓練班畢業

第五區						第四區							
助理			區長			助理			區長				
二屆		一屆	二屆		一屆	二屆		一屆	二屆		一屆		
余海岱	賀天泰	余天縱	賀天泰	余天縱	史鍾甲	鄒孟鐸	陳憲章	陳廷彥	喬丹書	朱甲林	方敷五	熊鳳儀	王懋德
維嶽	晴軒	聖齋	晴軒	聖齋	體元	子振	文卿	碩民	景明	秀翹	敬軒	伯威	子勉
固城店	油坊店	汝南埠	油坊店	汝南埠	寒凍店	八里橋	李通店	江家店	胡冲店	胡冲店	江家店	陡溝鎮	演武亭
陝甘農村訓練班畢業		全上	省立農工學校畢業		師範第二畢業		省立第二師範畢業	省立第一中學畢業	汝南甲種農業畢業	縣立師範畢業 區長訓練班畢業	省立第三師範畢業	信義中學畢業 區長訓練班畢業	汝南師範畢業

城廂議事會 民國元年二月，縣委袁紳不行等，籌辦選舉，依法投票，出當選議員十名。就文昌宮組設成立。議決城廂興革要公多項。其著者，爲公舉縣公款局正副局長，段起賢、陳其昌。縣車馬局正副局長，葉培芝、呂兆璜。甚符衆望。嗣因會費難籌，至縣議參會成立後，此會自行停撤。議員姓名表，詳選舉志。

縣議事會 民國元年五月，河南督都張委任縣紳籌辦縣議事會議員選舉。依法商同縣知事招集紳學，組設選舉事務所，調查選民。於六月二十四日，由知事張仲友監督票選。按人口數，應出當選議員二十名。七月一日，開會成立。議決應興革各方案。至民國二年十二月底，功令取消。議員姓名表，詳選舉志。

縣參事會 民國元年七月四日，縣議事會依照參事會組織章程，請同縣知事監督票選參事會員。按章應出會員四名。於七月十日，開會成立。參核議事會議決方案，逐漸實行。彼時知事張公仲友，開誠佈公，官紳尙稱融洽。二年十二月底，功令取消。會員姓名表，詳選舉志。

爵職紀

(商)

任成 湯右相仲虺七世孫，名成。遷國於摯。

國在今平輿摯亭。潁土跨汝水南北。正陽北境隸之。

查仲虺始祖爲黃帝。傳至夏，有奚仲，官車正。封于薛，姓任氏。及成徙國摯。

祖己 殷高宗賢臣。高宗彤祭，有雉雛于鼎。王懼，祖己訓王，先修政事。作高宗彤日

篇。以功封於摯。

今平輿摯亭是。

正陽在商，爲摯國地。

(周)

聘季 周文王第十子，食采於沈，遂封爲沈子。正陽在周爲沈國地。

查春秋，魯定公四年春三月，劉文公合諸侯于召陵，謀伐楚。傳稱武王之母弟八人。

周公爲太宰，康叔爲司寇，聘季爲司空，五叔無官。按聘季，文王賢子。

白公勝 楚子建遇讒奔宋，又避亂於鄭，轉適晉，謀襲鄭。鄭人殺之。其子勝奔吳。楚子

西以勝爲信勇，使處吳，竟楚邊白地，爲白公。

今邑東白土店，有白亭。舊名白公城，遺址猶存。

迨哀公十六年，

吳人伐慎。白公敗之。請以戰備獻。許之。遂亂楚。殺子西子期。而劫楚子。卽惠王後爲葉公所逼。縊山中。後楚封白公之後於慎。爲慎氏。

(漢)

周仁 字季房。漢復封汝墳侯。徙安城。詳人物志。今固城寺店。

欒說 淮陰舍人。隨軍擊秦楚。有功。高帝十一年。封慎陽侯。

劉蒼 長沙定王之子。漢武帝元光六年。封安成侯。諡思。子自當嗣。子壽光嗣。

上官桀 始官左將軍。昭帝始元二年春正月。以武帝遺詔捕反者功。封安陽侯。

王崇 建始元年。漢成帝封舅王崇爲安成侯。諡共。子奉世嗣。子持弓嗣。

劉衡 漢光武子。陰貴人出。建武十五年。封劉衡爲臨淮公。

陰就 初建武二年。陰鄉侯識貴人兄也。以軍功當增封。識叩頭讓曰。臣託屬掖庭。

仍加爵土。不可以示天下。帝從之。遂封識弟就爲新陽侯。

劉賜 光武帝建武二年。遣大司馬吳漢擊宛。宛王賜奉更始妻子詣洛陽。降。帝封

賜爲愼侯。諡孝。子閔嗣。子商嗣。

姚期 光武中興功臣之一。名列雲臺。封安成侯。諡忠。子舟嗣。舒嗣。羽嗣。蔡嗣。
竇勳 東漢章帝建初七年。封安成侯。

(魏)

和洽 字陽士。汝南西平人。封爲安城亭侯。陳壽爲之作傳。

萬安國 安城王。子翼嗣。

楊約 安城縣公。

尉撥 安城侯。

(晉)

何無忌 東晉義熙二年冬十月。晉安帝以討桓玄之叛。論建義功。封爲安成郡公。子
崑嗣。

(齊)

蕭 暹 安城王。

(梁)

蕭 秀 安城王子。機嗣。操嗣。

夏 夔 保城縣侯。子讓嗣。

周 靈 起梁州廬州桂州刺史。封保城縣侯。

(陳)

陳 頊 安城王。

隋

楊 筠 安城王。

元世雅 安城侯。

李得林 安城縣子。

職官表

知縣

明

齊

張

劉

計朝

周

龔泰

田大

崔

陶承

陳

淵 肅寧人、正德二年任、創建縣城二

璽 亳州人、正德七年任、有傳、

泌 魏縣人、監生、嘉靖元年任、

聘 成都人、嘉靖五年任、

纘 雲南人、嘉靖十三年任、

顯 濼溪人、監生、嘉靖十六年任、

益 馬湖人、嘉靖十九年任、

岳 廣宗人、監生、嘉靖二十年任、

祖 天長人、選貢、嘉靖二十六年任、

曾 崇陽人、舉人、嘉靖間任、

郭仲辰 東光人、正德四年任、

高 輔 山東人、正德十二年任、

劉宗儒 武進人、舉人、嘉靖三年任、

湯時來 澧州人、舉人、嘉靖十年任、

高文昇 三河人、嘉靖十五年任、

王 萱 石首人、嘉靖十八年任、

李居仁 觀城人、監生、嘉靖二十年任、

王嘉會 永嘉人、監生、嘉靖二十四年任、

白應虛 江都人、選貢、嘉靖三十五年任、

梁 乾 郿西人、舉人、嘉靖間任、

周紹稷 任永昌人嘉靖四十二年
正陽縣知縣有傳

盧守 隆慶二年任
長垣人歲貢

溫如春 隆慶六年任
陽人舉人

吳安國 萬曆六年任
長洲人進士

趙煥 歷十二年任
上海人舉人萬

劉達 歷十八年任
黃崗人舉人萬

王與德 二十一年任
安東人萬歷

余星 歷二十五年任
蒲田人舉人萬

李懋孝 二十八年任
滑縣人萬歷

黃瑞輝 歷三十六年任
宜化人舉人萬

王信 崇禎初任
真寧人恩貢

劉附鳳 郡北直人舉人本
同知署縣事

江延齡 四十一年任
文登人嘉靖

蔡明弼 歷四年任
雲南人隆慶

江楫 萬曆三年任
荆門人選貢

吳東 萬曆八年任
廣寧人選貢

蔣承熙 十七年任
全州人萬歷

董三秦 歷二十年任
隆德人選貢萬

竇遵 歷二十三年任
南昌人舉人萬

紀益 歷二十六年任
邵州人歲貢萬

麻永吉 歷三十三年任
大名人舉人萬

沈恆 萬曆末任
寧遠人歲貢

劉進官 崇禎五年任
遼陽人歲貢

清

李之毅 山東湖城人，歲貢，順治二年任。

崔鳳鳴 滿洲人，貢士，順治五年任。

饒國士 直隸延慶人，貢士，順治十年任。

王文煥 順天大興人，恩貢，順治十五年任。

夏國泰 奉天廣寧人，廩生，康熙元年任。

李景明 山東聊城人，舉人，康熙十九年任。

趙楫 山西遼州人，例監，康熙二十二年任。

安圻 山西汾陽人，例監，康熙二十九九年任，有傳。

馬佩章 山東鄒平人，歲貢，康熙五十五年任。

邱日昇 陝西渭南人，監生，雍正六年任。

歐陽遷 湖廣漢川人，舉人，雍正十年任。

馬超羣 山東陽信人，歲貢，順治三年任。

遲醇 奉天廣寧人，貢士，順治六年任，有傳。

顧豹文 浙江錢塘人，進士，順治十三年任，有傳。

劉必壽 湖廣天門人，舉人，順治十六年任。

任國標 山西霍州人，拔貢，康熙六年任，有傳。

鄧成亨 廣西全州人，舉人，康熙二十年任，有傳。

曹文蔚 安徽貴池人，本郡通判，署縣事。

王庭 湖廣漢陽人，廩生，康熙四十八年任。

陸趙泰 浙江秀水人，進士，雍正二年任，有傳。

孫念祖 直隸開州人，舉人，雍正八年任。

胡文元 直隸大興人，附生，雍正十一年任。

諸齊賢 直隸盧龍人，進士，雍正十三年任。

駱英 甘肅伏羌人，舉人，乾隆三年任。

黃光燦 雲南易門人，舉人，乾隆十年任。

解忻 直隸慶雲人，舉人，乾隆十五年任。

朱樸 雲南通海人，舉人，乾隆二十年任。

宋世恒 四川夾江人，舉人，乾隆二十四年任。

劉應侯 山東單縣人，貢生，乾隆三十二年任。

劉鰲 直隸行唐人，舉人，乾隆三十六年任。

楊德容 雲南晉寧人，舉人，乾隆六十年任。

邵嗣桂 錢塘人，嘉慶十二年任。

張井 字荆航，金明人，進士，嘉慶十八年任。

汪極三 道光三年任。

許勉燉 浙江海寧人，舉人，乾隆二十年任。

李天簾 安徽石埭人，舉人，乾隆六年任。

吳一嵩 江西新建人，進士，乾隆十一年任。

王雲鱗 山西陽城人，進士，乾隆十八年任。

李國禧 陝西南鄭人，進士，乾隆二十年任。

袁樹 浙江仁和人，進士，乾隆二十八年任。

魯浣 江西新城人，舉人，乾隆三十四年任。

彭良弼 江西南昌人，拔貢，乾隆四十年任。

楊肇錫 嘉慶十年任。

余紹儒 嘉慶十年任。

馮翔 嘉慶二十一年任。

李新林 道光八年任。

明 誠 道光年
間任

高 樞 進士道光
年間任

鈕 潘 字嘯琴順天
道光三十年任
大興人

董 三 泰 成豐三
年任

鄭 修 業 成豐十
年任

蔣 彙 芝 同治二年
任代理

裘 寶 鏞 直隸河間人
同治二年任

張 寶 禧 字熙甫安徽
桐城人同治
八年任

花 詵 春 雲南人

楊 逢 春 舉人

張 守 憲

項 則 周 字子
才

鄭 元 善 字松峯直隸
進士道光丙
午任

何 發 鼎 舉人道光
年間任

劉 鴻 勳 成豐七
年任

廖 慶 謀 字雲
臺

張 桐 成豐十
年任代理

方 鏞 同治元
年任

白 渠 字子直同
治四年任

汪 庚 才 字筱寅同
治十年任

柳 祖 彝 字嘉民山
西人進士

馮 德 綬 字容
齋

王 義 詮

吳 育 庚 字潤波
舉人

邵壽宸

何桐青

字閩生、山東人、

秦本題

字玉屏、湖北漢川人、光緒十八年任、

郭藻

字漢卿、進士、

周應麟

字子顯、光緒二十五年任、

謝德昭

字聿修、進士、光緒二十七年任、

王拱裳

字詠寬、舉人、光緒三十年任、

侯必昌

字新生、宣統元年任、

民國

任瑞元

字玉芝、民國元年代理、

姚文璜

字渭田、民國二年任、

劉植

山東人、民國五年任、

劉體衡

湯侍慈

字子佩、光緒十五年任、

戴榮樞

字仁甫、陝西人、舉人、光緒二十年任、

張萃

字伊耕、光緒二十四年任、

潘守廉

字潔泉、山東人、進士、光緒二十六年任、

龔文明

字煥章、光緒二十八年任、

戴廷諤

字杏伯、光緒三十四年任、

于益源

字受六、宣統二年任、江蘇鎮江人、

張仲友

字和堉、河南蒙縣人、舉人、民國元年任、

丁景炎

字述明、安徽人、舉人、民國二年任、

王繩祖

民國五年任、

林肇煌 字少衡、福建閩縣人、民國六年任、

徐貫之 字慕曾、河南沁陽人、民國九年任、

胡秉平 字子衡、河北人、民國十年任、

饒亮采 字芸離、河南固始人、民國十一年代理、

張履泰 字岱平、民國十三年任、

杜鴻賓

何楨 字幹臣、河北天津人、民國十六年任、

鄧瀛賓 字仙舫、鄂縣人、

范秉仁 字壽山、陝西人、

楊愷 字國十、民國十七年任、

劉月泉 字東沂、水人、民國十九年任、

周密 字飲真、河南陽武人、民國十九年代理、

張錫典 字旨鄭、四川溫江人、舉人、民國七年任、

葛祺 字盤如、河南固始人、

戴鳳藻 字一、民國十一年任、

李聯璧 字紫宸、河南鄭州人、民國十二年任、

梁季良 字湖南人、

吳政 字桐城、縣人、民國十五年任、

王芳洲 字步瀛、信陽縣人、

季允中 字執久、河北滄縣人、

王匡 字壽州、人、民國十七年任、

劉宗琨 字禹縣、人、民國十八年代理、

馬洪德 字維賢、山東單縣人、民國十九年任、

胡名珍 字暢春、安徽黟縣人、民國二十年任、

劉炎光 字炳華、光山縣人、民國二十一年任、

教諭

元

衛桂榮

明

陶賢 傳有

殷遷 傳有

清

董紹舒 葉縣人、恩貢、順治四年任、

彭如芝 南紹人、歲貢、順治十四年任、

張願行 西華人、舉人、康熙二十六年任、

王瑜 林縣人、拔貢、康熙二十六年任、

王良輔

焦濟

宋久文

王國耀 偃師人、順治八年任、

黃諫 嵩縣人、歲貢、康熙十七年任、

王翊 新安人、拔貢、康熙四十年任、

孟壽 杞縣人、歲貢、康熙五十年任、

韓 暉 唐縣人，拔貢，康熙五十六年任。

扈 重 寅 商邱人，廩貢，雍正六年任。

劉 鐸 通許人，副貢，雍正十一年任。

秦 堂 偃師人，舉人，乾隆九年任，三十五年再任。

張 遠 覽 西華人，舉人，乾隆四十六年任。

呂 元 灝 新安人，拔貢，乾隆五十七年任。

張 森 榮 道光三年任。

鄧 景 需 咸豐三年任。

朱 乃 濟 同治年任。

陳 鼎 光緒年間任。

黃 汝 湘 光山人。

王 樹 桐 字友琴，鹿邑人，光緒十八年任。

田 錫 極 襄城人，舉人，雍正三年任。

岳 溫 葉縣人，恩貢，雍正九年任。

柴 用 樑 安陽人，拔貢，乾隆十二年任。

邱 宅 南 河內人，恩貢，乾隆二十四年任。

蔣 敬 源 睢州人，舉人，乾隆五十六年任。

李 綸 嘉慶二十一年任。

馮 祖 京 字浚義，道光十五年任。

王 汝 霖 同治三年任。

原 田 每 同治十年任。

陳 治 體 太康人，光緒年間任。

方 耀 崑 河內人。

席 書 錦 字香圃，沁水人。

訓導

明

張

恕 來安人、
歲貢、

黎

載 四川人、
歲貢、

喬茂魁

清

溫之鼎

儀封人、恩貢、
順治三年任、

張其美

孟縣人、歲貢、
順治十三年任、

張

鈐 睢州人、歲貢、
康熙九年任、

蘇濟世

許州人、歲貢、
康熙二十年任、

燕光蘊

通許人、歲貢、
康熙三十年任、

張

縉 陽武人、歲貢、
康熙三十五年任、

王汝夔

海門人、
歲貢、

劉嘉績

朝邑人、歲
貢、有傳、

朱頒祿

中牟人、歲貢、
順治四年任、有傳、

徐 珊

杞縣人、歲貢、
康熙四年任、

楊金章

扶溝人、歲貢、
康熙十三年任、

胡從虞

西華人、歲貢、
康熙二十六年任、

姜 瑁

太康人、歲貢、
康熙三十八年任、

張 舜生

西華人、歲貢、
康熙三十七年任、

蔣琪 歸德人、歲貢、康熙四十二年任、

孔尙賢 歲貢、雍正二年任、

張如洙 虞城人、歲貢、雍正五年任、

郭景湯 南陽人、歲貢、乾隆七年任、

姬 郝 汲縣人、歲貢、乾隆十五年任、

馮 泰 新鄭人、乾隆十五年任、

乾隆十六年裁汰

把總

王錫祿 新野人、乾隆元年任、

李 剛 南陽人、乾隆二十一年任、

吳清英 祥符縣人、乾隆四十四年任、

武元龍 南陽縣人、乾隆四十八年任、

郭 伋 虞城人、歲貢、康熙五十八年任、

張振修 洛陽人、歲貢、雍正四年任、

王家璉 裕州人、歲貢、雍正九年任、

王錫祿 新野縣人、乾隆元年任、

李水元 虞城人、歲貢、乾隆十年任、有傳、

馮 泰 新鄭人、乾隆十五年任、

萬成功 南陽縣人、乾隆三十二年任、

卞國樞 直隸永平人、武舉、乾隆四十五年任、

張如中 南陽縣人、乾隆五十四年任、

謝蘭友道光三年任

劉耀權道光十五年任

袁連三字禹門，城東街人，同治二年任

王文行字子彬，汝南人，咸豐年間任

張元信南召人，光緒年間任

袁樹芬開封人

蘇祥字雲亭，南陽人

典史

明

王璽綏德人，正德五年任

謝爵大廣人，嘉靖二十五年任

王棟夏縣人，萬曆年間任

王化行大興人，天啓年間任

邱檜

清

張承惠大興人，吏員，順治二年任

郭大仁富平人，吏員，順治十一年任

張恒亂渭南人，吏員，順治十三年任

沈邦達山陰人，吏員，順治十六年任

張擴 韓城人，康熙三年任。

阮世璘 宛平人，康熙二十一年任。

詹廷樞 揚州人，康熙二十一年任。

田相儒 大興人，儒士，雍正二年任。

賈太徵 陽曲人，吏員，雍正九年任。

王士瑞 大興人，吏員，雍正十三年任。

孔毓均 仁和人，供事，乾隆十二年任。

徐萬春 婺源人，監生，乾隆二十九年任。

吳忻 道光三年任。

王棟 成豐三年任。

崔懷珍 字伯俞，山東濟寧州人。

李書雲 字輯五，山東登州人。

屠世英 烏城人，康熙十九年任。

樊琦 銅陵人，康熙二十六年任。

孫璠 上虞人，吏員，康熙五十二年任。

陳宏 宛平人，吏員，雍正六年任。

林必鏹 上虞人，雍正十二年任。

趙萬選 會稽人，吏員，乾隆七年任。

金文炳 大興人，吏員，乾隆二十年任。

金之厚 嘉慶二十一年任。

沈貴前 道光十五年任。

沈家楫 字汝舟，浙江山陰人，咸豐十年任。

黃煜 廬人。

王俊德 字紹軒。

陳炳榮 江蘇人

政績傳

(周)

孫叔敖春秋魯宣公十一年，楚令尹蒍艾獵城沂。

左傳杜預註，艾獵，孫叔敖也，沂，楚邑，姚培謙註，在今真陽縣境。左

傳，楚左尹子重侵宋，王待諸鄆，令尹蒍艾獵城沂，使封人慮事以受司徒量功，命曰分

財用，平板幹，稱畚築，程土物，謹遠邇，略基址，具餼糧，度有司事，三旬而成，不愆於素。

考

馬遷史記循吏列傳曰：孫叔敖者，楚之處士也。虞丘相進之於楚莊王，以自代也。三月為楚相，施教導民，上下和合，世俗盛美，政緩禁止，盜賊不起。秋冬則勸民山採，春夏以水。各得其所，使民皆樂其生。莊王以為幣輕，更以小為大，百姓不便，皆去其業。市令言之相曰：市亂，民莫安其處，次行不定。相曰：如此，幾何頃乎？市令曰：三月頃。相曰：吾今令之復矣。後五日朝，言之王曰：前日更幣，以為輕，今市令來言曰：市亂，民莫安其處。次行之不定。臣請遂令復如故。王許之。下令三日，而市復如故。楚民俗好庫車，王以為庫車不便，馬欲下令使高之。相曰：令數下，民不知所從，不可。王必欲高其車，臣請教閭里使高其柁，乘車者皆君子。君子不能數下車，王許之。居半歲，民悉自高其車。此不教而民從其化，近者親而效之，遠者四面望而法之，故三得相而不喜，知其材自得之也。三去相而不悔，知非己之罪也。

(漢)

劉陶穎陰人。愼陽長。政化大行。道不拾遺。以病去。童謠曰：愼然不樂。思我劉君。何時復來。安此下民。

巴肅高城人。建和時舉孝廉。與郭泰范滂齊名。歷愼陽令。以郡守非人。辭去。改具邱長。

(宋)

葛書舉江陰人。舉熙寧三年進士。授淮南節度使推官。知真陽縣。有惠政。民思之。

張雲卿真陽縣尉。有學行。清介自守。安貧樂道。未嘗苟求。應進士舉。晚沾一命。士人惜之。文彥博舉之。疏云：切見蔡州真陽縣尉張雲卿。通經博古。欲望特除。一兩京學官。必能師表諸生。亦可敦薄俗。取進止。

岳飛縣東九十里有岳城舊址。係岳飛復蔡州時築城駐兵。後世稱爲岳城。今以名

店。集西北尙有岳忠武祠。巋然在望。

查宋史紹興六年八月、岳飛復蔡州。先是飛累戰皆捷。牛皋復鎮汝軍。楊再興復河南長水縣。張浚

曰：飛措畫甚大。今已至河洛。則太行一帶山砦。必有響應者。已而忠義社稷與等果歸之。飛復及偽齊李成、孔彥舟、連戰。至蔡州。克其城。即今汝南縣治。距岳城八十里。

重刊正陽縣志
紹興十年六月，帝賜飛札曰：設施之方，一以委卿。朕不遙度，飛乃遣王貴牛、皋楊再興、李寶等，經略西京、汝、鄭、潁、昌、陳、曹、光、蔡諸郡。今岳城在光蔡之間。

(元)

朵阿達實畏兀兒人。少聰敏，博通經史，得文資散官，出長真陽。清廉慈愛，興利除害，剷革時弊。凡循行勸課，裹糧而出，惟恐擾民。時真陽糧本色輸入朱皋倉，甚爲民累，乃力陳其害，許納輕齋，民甚感之。秩滿，人民爲立石，記其廉善。

(明)

張璽，號松菴，亳州人。

府志壽州人，未知孰是。

謙厚精敏，寬以濟嚴。當霸賊殘破之餘，凡縣治學

舍城郭，倉廩蕩然灰燼。璽經營修葺，勤恤民隱，安集流離。於是邑始有起色焉。

劉宗儒，武進人。性耿介，尙風裁，恥于阿奉上官，以此取謗去。

計朝聘，字華夫，成都人。清介絕俗，自奉甚約。有人所難堪者，接士大夫以禮。勤民事，寬征徭，明敏有決斷，不爲紛議所撓。吏但受成而已。擢茶陵知州，尋陞澂江府知府。

王萱，號西麓，石首人。以儒術飾治，崇獎士類，爲教務敦實學。剷革時弊，吏民畏服。

李居仁號壽菴。觀成人。敏練有幹才。訟者盈庭。一言而決。人皆服其神明。調山西蒲縣令。

徐 寬字叔望。泗州人。由江西萬安丞。擢知真陽。興學校。均田糧。增戶口。捕巨寇。平疑獄。爲治務求實濟。有古循吏風。巡按御史浦之浩薦于朝。以資格所限。未竟其才。

周紹稷字象賢。永昌衛人。雅度清才。飾以儒術。獎掖士子。一時文學振興。士論翕然歸之。慕漢黃徵君叔度之高行。捐俸購故參政李經別宅。建祠崇祀。識者謂其知政本云。盧 守號我泉。長垣人。初任掖縣。以面折當道。改三水縣。尋調知真陽。慷慨尙氣節。不事媵阿。操履清苦。刻意振刷。三年間。百務具舉。捐俸修學宮。不費民力。清戶口。均徭役。始議條鞭之法。申請兩院。得從所請。且令通省做行。至今便之。

吳安國字文中。長洲人。以名進士。出宰百里。通才倜儻。詞賦推重一時。著作甚富。

吳 東號青郊。廣寧人。聰明機警。人經一面。事經一過。閱數年後。能直呼其名。言其事。人莫敢犯。

董三秦字輔京。隆德人。公明廉威。粹白自矢。無敢干以私者。

李懋孝號淳字。滑縣人。嚴明剛直。每出行。兩隸執高脚牌前導。大書拿積棍。安良民。邑故多奸猾。由是懾服。畏若神明。一境肅然。

麻永吉號又存。大名人。精明沉毅。立坐櫬之法。徭賦聽民自納。胥吏無所緣以爲奸。培植士氣。優禮寒賤。邑舉人鍾聲宏。出其門下。

黃瑞輝號新寰。宣化人。創賢良書院。以育人才。明決有膽智。時民間多盜警。設法窮捕。訊實。悉坐以法。有陳乞自新者。察其情真。縱之歸。令捕盜自贖。盜遂以寧。

沈恒號連樓。寧羗人。治真五年。民間疾苦。纖細皆知。教民以孝弟爲先。立法勸導。民多感化。擢寶慶通判。

王信號孚子。真寧人。崇禎初。知真陽。單騎出撫土寇。會流寇數萬掩至。被執。欲挾真羅二城。不許。賊大恨。遂遇害。携其首去。邑諸生田育性。鼓率鄉勇。追至淮南。獲其首以歸。面猶如生。贈光祿寺丞。特祠以祀。

劉進官字榮我。遼陽人。崇禎五年知真陽。時土寇竊發。閉關者九閱月。下車卽嚴守備。募民兵。設方略撲滅之。

陶賢固安人。嘉靖十年。以歲貢授真陽教諭。時學校初設。諸生習於放佚。賢銳意振作。嚴立科條。無敢徇規越矩者。課士不專以文。爲文必約以繩墨。一時風教。爲士林宗。殷遷字梧亭。龍江人。以歲貢司鐸真陽。簡默厚重。事事以禮法自閑。年越六旬。與諸生談究道藝。矍矍不倦。有隳業者。必對衆斥之。人以爲嚴師。

劉嘉績字喜聞。朝邑人。司訓真陽。建文昌閣。辨字學。傳等韻。博通古籍。著有禮書行世。
(清)

遲醇號煥字。廣寧人。妙年出宰。敏幹廉明。當清定鼎之初。創立縣治。繕葺城垣。新文廟。建兩廡。百廢具舉。時流亡甫集。村舍多無垣戶。計擒巨盜百餘人。遂鮮夜警。訟牘片言立剖。摘發如神。人咸畏服。蒞治五年。陞岢嵐州牧。尋擢太平府知府。取道於真。童叟挽留不絕。

顧豹文字季蔚。錢塘人。精明縝密。有幹濟才。當清開創之初。辨經界。疏鹽法。爲政切中。歎要公暇。考課士子。口指筆授。無倦色。以行取內擢御史。

任國標號君佐。霍州人。崇學校。勤考課。士貧不能自給者。優卹之。正賦之外。纖毫弗取於民。治真十三載。砥礪清操。始終如一。以病致仕。去之日。囊橐蕭然。士民泣送於道。鄧咸亨全州人。爲政尙簡要。事舉而民弗擾。時各保丁戶星散。里甲催輸。疲於奔走。乃畫定保分。疆里相聯。賦不逾期。民皆稱便。被論降調去任。

安 圻汾陽人。有幹才。勤於圖治。葺城垣。修邑乘。興利除弊。勤恤民隱。治行卓異。擢九江府同知。

陸趙泰秀水人。通達治體。未嘗以法繩人。而人知奉法。政無弗舉。吏不敢奸。以名進士起家。博學能文。崇獎士類。每公暇。與士子講求道藝。若師弟然。解組東歸。士民遮道而送。有涕泣不舍者。

許勉燉海寧人。慈惠通達。負才自斂。體恤民艱。獎掖寒賤。士服其學。民懷其恩。捐俸修

八蜡祠。蒞治甫一載。(有缺文)輿論惜之。

李天鑑石埭人。明敏有治才。政尙嚴。不以施於良善。案牘旁午。聽斷如流。未嘗有屈抑者。捐俸修慎陽書院。延明宿。立規條。督課士子。蓋善政而兼善教者。

吳一嵩新建人。精明廉善。本儒術。以爲吏治。政暇。考課諸生。手定甲乙。高等者獎之。使知勸勉。朔望宣講聖諭。士民環立敬聽。相率感化。蒞治四年。士習民風。咸臻上理焉。以卓異擢光州牧。遷重慶太守。從征金川。陣亡。卹贈太僕寺卿。諭祭葬。入祀昭忠祠。子嗣蕙以蔭生任蕪湖令。能於其官。

王雲鱗陽城人。愷悌慈祥。愛民恤士。若惟恐不及。丁艱。扶柩而歸。士民簞食壺漿之祭。數十里不絕。

宋世恒夾江人。儉于奉己。勤於蒞政。省刑罰。寬徭賦。修葺文廟。挑挖城濠。蒞治四年。凡事之有利於民者。靡不次第興舉。慎水壅塞。方議疏浚。以培一邑之氣脉。未及行而去任。

劉 熬行唐人。性嚴峻。不以嘖笑假人。未嘗務爲刻覈。治邑六載。懲凶暴。安善良。捕巨盜。乞災賑。士民畏威懷德。若召父而杜母焉。城隍廟及縣署。歲久不可葺。治曰。此幽明理民之所。亦民事也。並新之。

朱頒。祿中牟人。順治初年任訓導。修魁星樓。立學規。嚴考課。動以禮法繩人。能扶掖寒賤。權縣事三月。修城垣。立窩舖。遷輝縣教諭。尋擢天門令。

李永元。虞城人。以歲貢。司訓真陽。學問深邃。教士子諄諄善誘。士以此歸之。訓導舊無齋舍。茅屋數椽。布衣疏食。處之泰然。有箪瓢陋巷之樂焉。後卒於官。

彭良弼。字雨蒼。江西南昌拔貢。以乾隆四十三年任正陽縣事。勵精圖治。三年後。政簡刑清。遂重修黌宮全部。及鄉賢名宦祠。奎星閣。並創正陽書院。振文化。培人材。獎節婦。陳惠姐。以銀幣。褒崇節孝。創修大路溝。清水道。利交通。凡屬要政。無不次第舉行。連任十六年。丁艱卸任。遂留家焉。新令楊公德容。邀修邑乘。今舊志。其手澤也。後裔宗卿。秩卿。仍居正。

張 井字芥航。直隸膚施縣進士。天資聰穎。意氣倜儻。嘉慶十八年知正陽。燭事明捷。詰奸平暴。邑境肅然。百姓安堵。力振文教。修整文昌宮。以政聲調祥符縣。尋遷許州牧。汝寧守。開歸陳許道。

鄭元善字松峯。邢台進士。道光丙午年知正陽。時盜熾年荒。民不堪命。公於盜密訪。勤捕。殲渠魁。撫脅從。連環保結。暴化爲良。明察獄訟。一堂了案。禱雨祈晴。平糶救災。時親公正紳耆。勤求民隱。盡力教養。治行卓異。不次超遷河南巡撫。邑人傳必端張嘉詠有述政績詩。詳藝文志。

鈕 雷字嘯琴。順天大興人。道光三十年。知正陽縣事。是年四五兩月不雨。乾旱爲災。公乃齋戒沐浴。親往東關外古龍池焚香拜禱。越三日。時人皆望見雲自古龍池出。大雨數日。於是公興工浚鑿。砌以磚石。並作詩記之。詩詳藝文志。

廖慶謀字雲台。咸豐八年知正陽縣。時羣盜蜂起。地方糜爛。公以郡守象賢。出鎮危局。英勇明察。聞盜警。卽身先士卒。手殲大憝。故兇徒斂迹。民賴以安。

裘寶鏞直隸河間舉人。性剛烈。不畏強禦。同治二年八月蒞正時。邑匪張鳳林倡亂。肆擾全境。毛帥昶曦統軍駐剿。部下兵有劫奪民布者。公立訊明杖押。又有強欺民婦者。公爲手刃堂前。後稟毛帥。閤部肅然。繼以安集流亡。撫字將息。心勞力竭。卒於任。光緒年間。邑紳報准。列入循吏。

張寶禧字熙甫。安徽桐城人。同治八年蒞正。當殘破後。勞來安集。極爲盡力。又擴充奎林書院講堂號舍。兼作試場。獎拔士類。作育人材。正邑文風復振。皆公力也。且朔望宣講聖諭。感動婦孺。至荒歉請蠲。休養尤渥。去任時。士民泣餞於道。壺漿編爆。數十里不絕。書院北關。均立石頌之。

潘守廉字潔泉。山東濟寧州進士。本任南陽縣。光緒二十六年六月。調署正陽。資其勤明。善治盜也。時地丁征收已過半數。公齋廚淡泊。處之晏如。或爲憂之。則曰。官以爲民。非爲祿也。惟勤理滯獄。時出捕盜。如銅鐘慎盜某。爲害多年。公親往捉。聞風遠竄。民遂得安。皮店朱連元。被某借匪勢敲索錢七十串。公得稟立追。某卽懼。退錢懇免。潘店周

秉發被某借命圖訛。公親驗訊明。當卽丈責銷案。惡風頓息。其縣試校士。卷必親閱。所取盡屬真才。尤爲慧眼獨青。惜數月又回任南陽。負債二千餘串。尋卽清償。勤正廉明。邑人士。今猶感念不忘云。

王拱棠字詠覺。性慈仁。光緒三十年。在園會狂逞。陰圖於三月五日起手攻城。被公於前一日偵察發覺。(事詳大事記)

侯必昌字興生。宣統元年任縣宰。樸實率下。廉取儉用。除臨民謁神。尊重衣冠外。常布衣接見紳士。民詞多自閱批。凡砌詞彌縫。輒窺出破綻。不准。爾時訟風漸息。然亦從不屈抑民冤。

張仲友字和壘。鞏縣舉人。民國元年六月。知正陽縣事。心地坦白。辦事篤實。下車伊始。卽禮遇正紳。勤諮民瘼。政暇輒親臨學校演講。作育人才。聽訟。往往一堂卽了。減民訟累。尤熱心維持公益。凡事之有關風化人心者。雖措置維艱。必力主正義。委曲完濟。事宜民之大體。任事未及年。以意外關係。慨然辭去。民衆眷念不能忘。公論惜之。

張錫典字旨鄭。四川溫江舉人。民國七年任正陽知事。品學端粹。以經術飭吏治。含威任德。有古良吏風。其措政施行。如裁撤不良之捕役。地保。查稅契積弊。嚴辦庫書。改由公款局紳鮑佩薰經理。剔盡弊端。規定鄉約徵收。櫃書過割。差役傳案。各費嚴禁勒索。民深感之。慎重詞訟。可了立了。質訊則聽。兩造盡量吐供。曲盡情實。然後秉公裁判。莫不悅服。至作興學校。時同教員研究教授法。優待學子家屬。普組森林魚業會。嚴定進行保護規則。以故人人知奮。教育實業。日有起色。其最著者。承貪劣殘酷之後。能峻拒權紳。擇任心腹陳建侯。密查紳品民情。措置咸宜。其創辦廣惠義倉。製定詳章。行之二年。積穀五萬餘石。貧民賴之。後因平糶河北。殺歟飄零。美舉無終。識者惜之。

沈作楫直隸清苑縣人。以未入流。於道光二十八年籤分正邑典史。清廉自持。勇敢有爲。〔事績詳大事記〕

財務志

敘曰。正陽地丁錢糧。清初原額。以明萬曆刊書爲準。初仍地丁並徵。至康熙五十年後。丁續生而賦不加。雍正二年。納丁賦於地中。嗣祇計畝徵收。丁賦已無形裁免。正陽徵法。按差地二十九畝七分。納銀一兩。民間差畝零星。納銀不便。規定每銀一兩。繳錢二千八百文。達清季莫之或異。民國七年。功令改徵銀圓。較前無甚懸殊。惟地方附加。有進無已。按錢數計。直超過清代三十倍之多。其他稅捐科派。亦極複雜。財用關係國計民生。不可忽也。志財務。

附賦役全書序云。朕惟皇帝臨御天下。必以國計民生爲務。故禹貢則填定賦。周官體國經野。法至備也。當明之初。取民有制。休養生息。至萬曆年間。海內殷富。家給人足。及乎天啓崇禎之世。因兵增餉。加派繁興。貪吏緣以爲奸。民不堪命。國祚隨之。良足深鑒。朕荷上天付託之重。爲生民主。一夫不獲。亦百朕懷。凡服御膳。深自約損。然而上帝祖宗百神之祀。軍旅燕饗。賜之繁。以及百官庶役。餼廩之給。俱各取之民間。誠恐有司額外加派。豪蠹侵漁。中飽生民。先國計何資。茲特命戶部右侍郎王宏祚。將各省每年額定徵收。起存總散實數。編撰成帙。詳集往牘。參酌時宜。凡有參差遺漏。悉行駁正。錢糧則例。俱照萬曆年間。其天啓崇禎時。加增。盡行蠲免。地丁則開原額若干。除荒若干。原額以萬曆刊書爲準。除荒以覆奉。愈旨爲憑。地丁清核。次開實徵。又次開起存。起運者。部寺倉口。種種存留。存留者。款項細數。事條明。至若九厘銀。舊書未載者。今已增入。宗祿銀。昔爲存留。

者。今爲起運。漕白二糧。確依舊額。運丁行月。必令均平。胥履盜甲。昔解本色。今俱改折。南糧本折。昔留南用。今抵軍需。官員經費。定有新規。會議裁冗。改歸正項。本色。今俱改布。顏料。銀。硃。銅。錫。茶。蠟。等項。已收折者。照督撫提定價值開列。解本色者。照刊書價值造入。每年督撫確查實值。題明。填入。易知單內。照數辦解。更有昔未解而。今已書增者。有昔太冗而今宜裁者。俱細加清核。條貫井然。後有續增地畝錢糧。督撫彙題。造冊報部。以憑稽核。綱舉目張。列成一編。名曰賦役全書。頒布天下。庶使小民遵茲令式。便於輸將。官吏奉此章程。罔敢苛斂。爲一代之良法。垂萬世之成規。雖然。此其大略也。若夫催科之中。寓以撫字。廣招徠之法。杜欺隱之奸。則守令之責也。正己率屬。於荒穰。昭激揚於納欠。恪遵成法。以無負朕足國裕民之舉意。則督撫之責也。有特重焉。其敬承之。無忽。又康熙五十二年。三月十八日。上諭。海宇承平日久。戶口日繁。地畝並未加廣。宜施寬大之恩。共享恬熙之樂。嗣後直隸各省地方官。遇編審之期。察出增益人丁。止將實數。另造清冊。奏聞。其徵收錢糧。但據康熙五十年丁冊。定爲常額。續生人丁。永不加賦。仍不許有司於造冊之時。藉端需索。用副朕休養生息之意。於是各省郡縣。將新增人口實數。繕造清冊。名爲盛世滋生戶口冊。

田賦

清代原額田地五千四百一十三頃四十四畝一分三厘五毫九絲五忽。外有更名地四十三頃

畝零賦役全書以不徵顏料另列今仍之、

依照賦役則例。每畝派銀三分二厘六毫八絲九忽二微八纖九沙八塵五埃二渺四灰。共徵

原額銀一萬二千八百二十四兩三分七厘。又每畝外加增九厘。共派銀四千八百七十二兩九分七厘二項。共原額銀一萬七千六百九十六兩一錢三分四厘。

清順治三年巡撫審具題奉旨免荒除無主荒地六十三頃八十一畝六厘八毫三絲。除荒銀二百零八兩五錢九分三厘。

實在原額地五千三百四十九頃六十三畝六厘七毫六絲五忽。

實在原額銀一萬七千四百八十七兩五錢四分一釐內分

現種行糧成熟地一千五百八十五頃一十五畝二分三毫。

照賦役則例、應徵銀、五千、一百八十一兩、七錢、四分、三厘。

又補徵顏料等項、每畝派銀、八毫二絲八忽九微二纖七沙八塵二埃五渺三漠。應派銀、一百三十一兩、三錢、九分、八厘。

二項共應徵銀、五千三百一十三兩、一錢、四分、一厘。

康熙九年起、至雍正十三年止、勸墾自首、暨胡簡吉等首報、入額徵解、共地、三千七百六十四頃、四十七畝、八分、六厘、四毫、六絲、五忽。

照賦役則例、應徵銀、一萬二千三百零五兩、七錢、九分、八厘。

又補徵顏料等項、每畝、派銀、八毫二絲八忽九微一纖七沙八塵二埃五渺三漠。應派銀、三百一十二兩、四分、八厘。

二項共徵銀、一萬二千六百一十七兩、八錢四分六厘。

外更名地、四十三頃、二畝、四分、四厘、四毫、一絲、五忽。

照賦役則例、應徵銀、一百四十兩、零六錢、四分、四厘。

民更等地，共五千三百九十二頃，六十五畝，五分，一厘，一毫，八絲。清嘉慶元年實在地數。詳舊志。

實徵丁地等項共銀，一萬八千零七十一兩六錢三分一厘。

遇閏每畝加派銀，六毫，九絲，一忽，五微，五纖，四沙，四塵，五埃。

應徵銀，一萬八千四百四十四兩五錢八分四厘。清嘉慶元年實任銀數。詳舊志。

今實在行糧地，五千三百七十一頃，七十一畝，九分一厘。

實徵丁地銀，一萬八千零零一兩四錢七分一厘。

民國三年功令，每丁地銀一兩，加徵補助捐錢六百三十文。隨解省庫。

民國七年，每丁地銀一兩，功令改徵銀幣二圓二角。補助捐改徵三角。

民國二十年春令減收田賦十分之三。以還前之預徵。

田賦附加捐

清宣統元年，呈准每銀一兩，加徵車馬錢二百文。歲徵錢三千六百千零零二百九十五文。自治錢一百文。歲徵錢一千八百千零零一百四十七文。歸地方公款局經管收

支。

民國三年，每銀一兩，加徵正衛營餉捐，錢一千五百文。七年又增一千二百文。歲徵錢四萬八千六百零三千九百八十五文。公款局經管收支。

民國十二年，每銀一兩，加徵五區保衛團費，一千八百文。歲徵錢三萬二千四百零二千六百五十五文。

民國十四年，每銀一兩，加徵駐潢川建國豫軍第三旅給養費，銀洋二圓七角。分三次徵。兩次一元一角。

民國十五年秋，每銀一兩，加徵駐潢川十二軍第一旅給養費若干。

民國十六年，每銀一兩，加徵第八軍馬旅給養費若干。駐潢十二軍，協助給養銀洋十圓。

民國十七年，每銀一兩，加徵十二軍戴旅給養費若干。自十四年至十七年間，駐軍不絕。加派繁興，而亂離簿失，無從詳載。

民國十八年春、每兩銀、加徵

人民自衛團常備隊經費一元五角。

教育經費四角。

政務警察經費二角五分。

財務經費八分。

自治經費六分七厘。

車馬經費五分。

水利經費四分。

特別經費二角零八厘。

十八年奉令財政獨立。設財務局。專司收支。而自衛團三元七角。由其自設收管處。未與併混。自三元七角加徵。而舊加之兩串七百錢裁消。合計每兩銀徵附加六元五角。民國十九年春。財務經費八分。易爲司法。而其餘仍舊。或略有增減。

人民自衛團後備隊經費二元五角。

建設經費三角三分二厘。

警察經費一角六分七厘。

縣志經費八分。

清鄉經費六分七厘。

修繕經費五分。

中山俱樂部經費一分九厘。

教育經費增至六角。

建設經費增至三角三分七厘。

公安經費增至二角零七厘。

縣志經費增至二角一分。

司法經費八分。

車馬經費減至三分。

水利經費增至二分五厘。

特別經費減至一角二分五厘。

合計每兩銀原徵附加六元七角。本年夏，保衛團欠餉，又加派三元五角。旋保衛團以變離縣。此款爲新編十二師徵用。

民國二十年春，以附稅標準，令地方預算重造。各項經費，又有因革損益。

教育經費六角。

建設經費二角五分。

公安經費二角五分。

政務警察經費二角五分。

自治經費二角五分。

保安經費三角。

地方公款三角。

保安補助費一元五角。

每兩銀徵附加三元七角。

又前人民自衛團三元七角裁消。另加保衛團經費洋四元。十九年民團避地寒凍。歷時九個月。又加補償薪餉洋二元。騎兵第一師駐防。自二月至年終。借洋一萬一千一百元。給養費洋一萬二千一百七十七元一角六分。八十師閩團駐縣數日。給養費洋二百一十六元九角零肆厘。七十五師駐縣。給養費洋七千零二十九元四角五分五厘。

民國二十一年、附徵與二十年同。惟加

討赤費五角。

省解

臨時地方公款五角。

雜費三角。

教育臨時捐六角。

騎兵第一師教導團、留縣。自三月九日、至四月二十六日、給養費八千二百三十元零二角三分七厘。又借洋七百元。

公款機關沿革

清代正陽縣地方公雜各款。均由縣署經理。民國元年春、城廂議事會議決、組設公款

局。並組車馬局附之。推舉邑人段起賢爲公款正局長。陳其昌爲副局長。葉培之爲車馬正局長。呂兆璜爲副局長。五月間成立。由縣署撥出舊存倉穀價餘銀一千四百餘兩。雜款銅元錢二千串。暨地方附加雜捐公產各項。一並交局管理。民國二年夏。陳其昌病故。劉得貴接充副局長。三年春。段起賢因病交卸。陳偉勳繼任。五年陳偉勳去職。郭連益王道立相繼膺正局長。七年十月改組。鮑佩薰任正局長。連膺三任。袁文繡張培林相繼副之。十六十七二年。胡拱宸鄧鵬雲爲正局長。十八年四月省令改爲財務局兼理國家地方各款。內分事務、會計、征收、金庫、四股。馬秉衡爲局長。十九年縣城駐軍。馬秉衡離職走。二十年改爲財政局。省委康燮坤爲局長。二十一年康局長交卸後。又改爲財務委員會。鮑佩薰被選爲委員長。

契稅

契稅嚮由縣署經辦。民國八年。功令改歸契紙支發行所。買契。正稅六分。附稅一分二厘。當契。正稅三分。附稅六厘。契紙。買當均每張五角。

十二年三月，教育經費不足。呈准附加學務捐錢，買契一千五百文。當契一千文。十三年契稅劃作省教育經費。教育廳設教育款產處司其事。各縣設契稅經理局。廳委局長徵解。正稅迄無增減。而附稅日益加多。

十七年有書丈員之設。由契稅局任委各店一人，或二人。司寫契，丈量畝數。契紙亦歸該員分銷。書丈費，按契價百分之二。由買當人負擔。嗣書丈員改勘丈員。

稅款儘徵儘解。正陽近年比較，每月五六百元之譜。

投稅有限期。買契六月，常契三月。逾期有罰。近年辦理工人，通融免罰。舊契胥現。收入反加多。

契稅固有定額。但省縣迭增附加。現行正附通計，買稅已達十二分之譜。當稅亦近五分。茲分記如次。

買契

正稅六分。

統有附稅一分二厘。

地方附捐三分。

手數料一分。

契紙每張五角。

納稅收據每張七分。

印花稅按價貼用。

當契

正稅二分。

統有附稅四厘。

地方附捐一分。

手數料五厘。

契紙每張五角。

納稅收據每張七分。

印花稅按價貼用。

驗契

民國三年功令呈驗產業舊新一切契據。契價三十元以上者，紙費一元。註冊費一角。三十元以下，祇收註冊費一角。三年十月起。五年底止。

補契

民國十二年補契。收歛辦法，與驗契略同。初辦手續，由自治區長蓋戳後，投縣署印驗。

後因一區有弊。縣令停免蓋戳。直投縣署。

牙稅

清代正陽牙帖五百四十張。歲納稅銀六百二十七兩七錢八分八厘。歸縣署徵解。自民國十八年。財政獨立。併歸財務局。止三等帖二百四十一張。每張歲納帖稅洋一十五元。帖捐洋二十元。帖費洋一元。全年共收洋八千六百七十六圓。縣商務蕭索。舊准數家共領一帖。城關三十六張。餘歸各鎮店分領。徵稅者計帖催收。欸由各商攤繳。自稅務分辦。利徒或承包多處。又分包於他人。於是苛查業戶。迫加帖張。而敲詐勒索。雜然出矣。收稅法舊分上下兩期。近由包辦人。邀准分全稅於十二月。每張貼月繳三元。較輕而易舉。

印花稅

印花稅。民國四年起。省委到縣。協同商會。強迫推銷。商民不堪罰擾。多歷年所。歲銷洋始達一千二百元。嗣漸增至二千元。分六次解省。

烟酒稅

烟酒前清無稅。祇有酒鍋錢陋規。民國七年功令，縣設烟酒稅局。後改烟酒公賣稽徵所。歷年均係包辦。不按稅章。按定章菸葉，分買賣幾分。菸絲，每造菸刀一刀，月繳洋七元。酒，每百斤二元四角。公賣費，百分之二十。厘金，每百斤洋八角。牌照費，每月甲種洋三元。乙種洋二元。丙種一元。其徵法，烟商，每一戶月繳洋七元。不計刃數。酒商，每釀池一條，月繳洋七元。不計斤數。正陽酒稅，十倍於烟。月可徵洋八百餘元。歲徵一萬元左右。

屠宰稅

屠宰稅定章，牛一頭，洋二元。豬一頭，洋三角。羊一頭，洋一角。正陽自民國七年，奉令投標包辦。由商會認常年繳稅洋叁千元。至民國十二年後，頻歸私人承包。初猶通融經徵。繼則遵章嚴辦。絲毫弗假。稅收遂增至六千餘元。近又退落。歲收四千元之譜。屠宰附捐，由民國八年，縣籌師範講習所經費。加徵正稅百分之十五。信陽道立女子師範，又附徵百分之十五。初隨正稅代徵。常年收洋一千八百餘元。分繳縣道兩師範。嗣因

經手虧欠難追。民十三年春，改由教育局專人管理。

捲烟特稅

民國十二年，令縣創設捲烟特稅分所。正陽初辦，比額月洋一百元。實可收得四百餘元。徵法，每一箱六元，或八元，不等。足見其初無定章。今於相當地，置統稅分所撤消。

特稅

鴉片厲禁。民初綦嚴。國家多故。法令稍弛。頑劣不悟。既吸且植。國困於財。藉以徵稅。保留此項鉅款。遂設徵稅之所。名曰禁烟局。嗣因國際交涉，諱不言烟。改稱特稅局。其稅法區別。種稅每畝八元。賣稅分三等。上等每月八元，中等五元，下等三元。吸稅分三等。上等每月三元，中等二元，下等一元。其生土官銷行稅，又作特別，不明真象。年來斯稅時徵時輟。月可徵洋數百元。解特稅總局。

營業稅

民國十九年冬，省令興辦。二十年縣政府代辦。二十一年財廳委人到縣設局徵收。開

辦伊始。民弗樂出。月可徵洋百餘元。

捐項

鋪捐 清光緒三十三年。巡警初設。經費無出。派由商鋪量力月捐。每年收錢合洋六百元。入巡警所。今裁消。

戲捐 清宣統三年。創例。每演劇一天。徵錢一千。歲收錢二百四十餘串。入公款局。今又加多。移歸公安局收。

車捐 清宣統二年開徵。每年收錢合洋四百餘元。今免除。

呈詞捐 光緒三十四年起。每呈一件。收錢二百文。歲得錢可合洋三百四十元。入公款局。今免除。

斗捐 舊額徵錢一千四百五十九千。分四季徵收。自民國十八年。財政統一。歸併財務局。轉包擔徵。每月收洋一百二十元。又行用捐。糴糧人每斗捐錢二百文。民國十九年。以糴糧貧民。不堪苛捐。明令裁。

包捐。起於民國十五年，駐潢十二軍，籌款創設。每一糧包徵錢二百。所得頗多。後軍移隨廢。民國二十一年秋，商會經費不充，包捐復興。

雜項

市業費。商會係商民一界法團。經費無措，由商自籌。因就商貨收入數，抽徵千分之二。充商會經費。月徵錢百餘千。

差徭費。正陽前清征徭，除修鑿城池，兵差多年一遇外，惟道府學院過境，供給大批車馬。及臨時委員車馬，最爲繁重。縣署常設車馬專員，每供一差，卽出票徵發車馬本色若干，以應實用。並冒加百數十倍，徵收捐價。馬價每匹二千二百文，車價每輛四千四百文。民累不堪。清季士紳商准官方，每兩丁地附加車馬捐錢二百文，酌助養車馬。輪供徭役。民初因之，追呼稍息。民十三後，兵匪雜沓，循環駐境，供億浩繁。每屆必設支應局，分組米麵、柴草、麩料、用具、各科。分途籌措。動輒需款洋數萬元，十餘萬元不等。並時常勒抓兵車百數十輛，擁滿縣府暨街道。待命於風霜雪雨之中。有輸送不得復還。

者。有不用而索款放贖者。征徭費之稠疊奇多。除稍見於丁地附加外。其實數確無從清算。又何從詳載。茲據述真象。以見一斑。至清代縣署涼棚、薪炭、囚布、監牆、棗刺、獄草舖等項。藉名採買。實取諸民。統稱雜派。民國均廢除。

公債

民三四五年內國公債

民七年省地方公債

民十年省臨時公債

民十三年臨時軍用公債

民十六年省地方公債

民二十年省善後公債

泉幣

前清制錢。有大小數目之不同。正陽用錢習慣。每緡以足百、九八底、大錢、爲足色。其斷砂、二八、三七、次之。當店錢舖。通行大錢。錢舖所出紙幣。一律兌換大錢一千文。洎乎當十之銅元興。紙幣隨易爲換銅元一百枚。間有二百枚者。近十年來。匪亂甚。錢舖廢。紙幣消。

鹽引

正陽縣原係准鹽引岸。前清嘉慶時，每年額銷鹽三千三百引。民國初元，因准運阻滯。由河南督軍張鎮芳，借運蘆鹽，以屠爾敏總其事。設總廠於長台關。次年改歸商辦。邑紳袁乃寬承運，分售汝南十餘縣。正陽每年約銷五千引。民國三年，改爲准蘆併銷。民國十七年，取銷引岸制度。商人自由運銷，實數莫稽。

官產

城內大寺、小寺、城隍廟、普濟堂、老倉房、節孝祠址、文昌宮、馬王廟、即老教場各地周圍地，基殊廣。前清均租於民間，修建居室。每間基址，歲納租錢二百文，由縣夫班經收。普濟堂地，八頃八十八畝七分三厘。阮述岑訪稿，爲九百七十畝零八分一厘。分計如下。

閻河店一頃二十畝。

承興店六十七畝六分。

全陂塘六十二畝零四厘。

王牌寺二頃二十三畝七分。

宋店二十六畝。

白土店二頃。

八里橋六十二畝零八厘。

揚旗屯三十三畝六分。

汪湖店九十三畝七分一厘。

育嬰堂地四十畝，在八里橋。

教育產

收租地二千三百九十一畝三分二厘五毫。

菜園六十八畝五分。

草瓦房共五百一十一間。

建設產

收租地共一千零二十三畝。又地十畝分。

苗圃地共十畝分。農場地共十畝分。

林場地共十畝分。

教育基款

制錢一萬六千一百八十八串。

銀洋三百四十元。

按以上款產均屬縣有。各區產欸實數不詳。暫付缺如。

倉穀

清嘉慶元年常平倉原額穀二萬四千石。

實貯穀二萬八千二百零六石八斗五升六合六勺。

漕倉原額穀五千石。實貯穀五千六百三十六石五斗。

義社倉額貯穀三十一石四斗。

勸捐社倉原額穀一千一百七十一石六斗九升一合一勺。

實貯穀三千三百六十三石三斗四升六合一勺。

同治三年春民食不濟。知縣白渠發倉穀振之。其數不詳。

同治十一年秋九月。知縣李公奉錢巡撫令辦社倉積穀。其數不詳。

光緒九年。知縣吳育廉糶各倉舊穀換新穀。餘銀一千八百餘兩。卸任時懸未交出。經

後任何桐青查明追還存署。歷任交代。輾轉二十餘年。至民國元年縣公欸局成立。清

理縣署各欸。此項隨同移局。支辦新政。

光緒二十年、知縣戴榮樞、同邑紳陳翰臣等、建新倉。派收積穀。數無考。

民國四年、知事丁景炎、糶發貯穀。各倉盡空。均未補還。卸任時、價欸未算交。

民國七年、知事張錫典、創辦五區廣惠義倉。積穀頗多。實數不詳。民國九年、安陽縣荒。張知事發各區積穀。運往平糶。穀價懸未還倉。十一年匪破縣城。卷簿損失。後時局益亂。各區倉、均歷遭破壞。糶放餘穀。散失無遺。

交通志

敘曰。正陽地非通衢。人重鄉土。舊有交通。不過驛站。舟車。津。梁。三數事。清季維新。廢驛遞。創郵政。繼而電報局。無線電收音機。長途環境電話。汽車道。輕便鐵道。種種迅速靈捷之設備。日益增加。力促進化之速度。舊制新機。均須詳登。志交通。

驛站郵政

官府公文往來。正陽舊有驛站一所。站設夫馬舖兵。用繁而事雜。且專供公差。私人之函件音問。無從轉致。清光緒二十六年。奉新章設郵政代辦所。民國五年。十二月三十日。改爲三等局。民國七年十月五日。改爲郵務二等局。民國十七年。因時局關係。郵務不暢。又改三等局。並於各鎮店。分設代辦所。信櫃。郵站。以期交通之普及。凡公文。私函。匯兌。包裹。等件。均得往來便利。且無遠弗屆。信用特優焉。正陽新政之益。當以郵政爲最。所有組織地點。依次列左。

驛站設縣署東

驛馬四匹 後裁留
二匹

驛馬夫二名 後裁留
一名

探馬夫一名

馬牌一名

走遞夫一名

遞舖一十六處

在城總舖

東關舖

北關舖

南關舖

西關舖

油坊店舖

山頭舖

哈店舖

黃山舖

銅鐘店舖

漫塘舖

永興舖

八角廟舖

李通店舖

藍青店舖

黃魯店舖

舖司兵三十名

以上驛遞各項自清光

緒二十六年郵政局成

立一律裁廢。

郵政

三等局一 設城內北

大街

郵政代辦所九

汝南埠

寒凍鎮

宋店

增益店

陡溝店

銅鐘鎮

大林店

潘家店

袁寨

郵務信櫃十七

城南關大街

藍青店

胡冲店

鐵佛寺

王家店

皮家店

范庄店

涂家店

土扶橋

葉家店

閻河店

楊家店

王霧橋

新豐集

阮店

魯店

油坊店

郵站四

王牌寺

萬安店

忠心廟

朱家店

電報局

正陽舊無電報。民國五年春。袁紳家驥。因時局關係。請設電報局。交通部以縣無軍政

重要機關。亦非繁盛商場。無設電報之必要。嗣邀部權予通融。設置經費。由縣籌擔。丁知事景炎。挪用倉穀款錢一萬串。開辦。局址坐南大街袁氏街房。電線西達確屬新安店。轉駐馬店。與平漢電第五線。啣接。民國十三年。直奉戰興。吳巡閱使佩孚。令添設正羅正確兩線。電桿由沿線民戶擔備。旬日告成。民國十六年。國統多故。北伐軍忙。地方紅槍太極各會。紛起滋事。電桿毀盡停辦。

無線電收音機

正陽自民國十六年。電報廢停。消息極感閉塞。迨二十一年。縣黨部奉令籌辦無線電收音機。於三月間成立。邑人潘誠齋充收音員。負責辦理。逐日據所得軍政要聞。錄登壁報。

電話

正陽自民國十一年後。變亂頻仍。屢籌設置電話。力未能逮。劉縣長炎光蒞任後。大桿匪彌月三逞。兇氛飄忽。飛探不及。官民各界。深憾焉。遂會議決辦環境長途電話。羣衆

勸助。不月成立。局線列左。

電話總局附設縣政府

城內分線

教育局線

公安局線

商會線

縣務委員會線

第一區公所線

保安隊部線

環境線

東境線
王霧橋第
二區公所

南境線
銅鐘鎮第
三區公所

西境線
增益鎮第
四區公所

北境線
寒凍鎮第
五區公所

正汝線
城北三十里與
城南環境電話

啣接遠汝
城轉新藝

陸路交通

(一) 汽車道

正明汽車道
西至增益店
三十六里接

確境道。達明港。民國
十三年。袁家驥。挪借
五區義倉款創修。開
工十餘日。省當局禁

正息汽車道
東南各經店至河
承興各店

止。遂停。民國二十
年。撫綏委員會駐十
派員督修。便利軍運。
派員督修。完成。
土扶橋。長七十。里。接
息縣道。達息城。二十
員一年撫綏委

正汝汽車道
北至山頭舖
北長二十里

里。接汝南道。達汝城。
民國來就原驛路。歷
年。續
修。

正羅汽車道
南經黃山各店
鐘范庄各店

至大林店南。長九
六里。接羅山道。達羅

城。民國來就原。驛路歷年續修。

正新汽車道

東經阮家忠。心油坊各店。至汝南埠。長七十里。接新蔡道。達新城。民國來就原。驛路續修。

正確汽車道

西經演武。余各店。至宋。店西。長四十八里。接確山道。達確城。民國十二年。以工代賑。就原大路特修。

明潢汽車道

西由羅營入。正境。東經鍾。店銅鐘至土扶橋。接息。釋道。係民國二十一年。撫按員委會。附傍。輕便鐵路。同時並修。

明潢輕便鐵道

道線歷程。與明潢汽。

車道同。

(一)普通車道

縣道

由縣城分達。屬各店。除汽車。道外。其他牛馬車。可通行者。條列如左。

東達岳城道

中經新豐。便民各店。

東達白土店道

中經楊店。萬安王霧。

西壩各店。

南達潘家店道

中經王。皮各店。

南達朱家店道

中經邱。鍾各店。

城關橋梁

金龍橋

北小十字街。西。明。正德十年建。

西南達陡溝道

中經揚。板橋各店。

西南達江店道

中經李通。青黃魯各店。

西南達羅營道

中經葉家。胡冲各店。

西北達鄒余村道

出境。由。和孝店。

通駐馬店。

東北達寒凍鎮道

中經韓。魯家各店。

省道

舊由汝南。北抵開封。近由。明港平漢道轉。隔海道。達開封。

國道

舊由平漢道。北京。新由平漢。道達漢口。登。輪船達南京。

化龍橋

城隍廟東。

迎薰橋

南門外。

水路交通

(一)橋梁

迎恩橋北門外。

迎春橋東門外。

迎爽橋西門外。

朱雀橋寶王寺東北。

支武橋真武廟西南。

青龍橋石佛殿前。

白虎橋琉璃殿前。

東瀛橋東門外北。

奎照橋東南角會館後。

館右橋會館西。

北濠橋城北濠東部。

南雙橋十方院東南。

坤元橋十方院西北。

正羅汽車道橋梁

三里橋城東南。

哈廟橋哈店西。

哈街橋哈店北首。

孔道橋孔庄北。

北平橋閭河店北頭，高峻曲折，明黎來

創建，歷經續修。

閭南橋距閭河三里。

黃山橋黃山北首。

建安橋建安北。

清水橋銅鐘鎮北，六里清水港上，工程

浩大，民國十三年，李振均重修。

銅北橋銅鎮北三里。

弓背橋漫塘北。

大林橋大林北首。

白馬橋大林南首。

正汝汽車道橋梁

北三里橋城北三里。

八里橋城北八里廟側。

永濟橋山頭鋪北，一名劉大橋，明知縣

郭仲辰倡建。

正新汽車道橋梁

青龍橋城東五里，全破塘境。

劉大橋 城東十八里王牌寺境。

戴西橋 阮店西八里。

雙陂橋 阮店西雙陂寺後。

阮西橋 阮店西首。

阮南橋 阮店南。

阮東橋 阮店東頭。

戴大橋 忠心廟戴窟西。

戴小橋 忠心廟戴窟東。

忠心橋 忠心廟西頭。

忠東橋 忠心廟東一里。

油南橋 油坊店南。

油東橋 油坊店東頭。

陳冲橋 油坊店西十里庄。

董家橋 汝南董庄。

玲瓏橋 汝南埠西二里。

正明汽車道橋梁

西南三里橋

麗橋 葉店北。

葉北橋 葉店北。

十里溝橋

增益橋

正息汽車道橋梁 閩河店北、與正羅道同。

閩東南橋

楊家橋 閩河東七里。

八角橋 八角廟西。

魏家橋 路口東南。

承興橋 呈興店舊集南。

盛家橋 永興舖東南六里。

正確汽車道橋梁

西關橋

二道橋 城西二里慎水上。

張樓橋 城西張樓前。

小宋橋 在小宋店。

宋東橋 宋店東。

大宋橋 宋店東。

往寒凍大道橋梁

東八里橋 八里橋店。

小蔡橋 韓庄。

李林橋 魯店。

任小橋 魯店南。

小楊橋 魯店南。

通正橋 魯店北。

魯小橋 魯店北。

胡橋 胡庄西。

吳寨橋 寨南。

郝橋 韓庄。

郭橋 韓庄。

劉寨橋 魯店南。

往陡溝大道橋梁

板橋 韓庄。

陡北橋 陡溝北。

文昌橋 陡溝文。

往潘家店大道橋梁

南三里橋

十二里橋 城南朱。

楊橋 王店北。

瓜子橋 王店南。

晏橋 及店南。

季橋 潘店北。

各店普通橋梁

閭河店

閭東橋 東岳廟前。

承興店

白橋 東南。

彭橋 東南。

溫橋 東南。

張橋 吳閣。

永興鋪

盛大橋 店南。

啟明橋 店東。

長庚橋 店西。

陳橋 陳寨。

黃 橋店東。

楊家店

劉大橋 店南五里。

彭 橋 店北三里。

葉 橋 店南六里李德昌張振君等重修。

張大橋 店南十二里。

柳寨寺橋 店東六里劉立身等重修。有碑。

萬安店

北大橋 余張氏劉立身等重修。有碑。

岳城店

何 橋 店西汝河南三里。

傅 橋 店東八里。

白土店

舒家橋 店北四里。

孫板橋 店西北八里。

三里橋 店南三里。

丁家橋 店東三里。

西巖店

白馬橋 店北二里、舊傳此橋創建、工過大半。

款盡難成。衆方聚議。有騎白馬者、詢知其

難。捐馬助之。即徒步走。追問姓名。終不及。

橋既成。以白馬名之。

天心湖橋 店南與息交界。

羅 橋 店南。

蕭 橋 店北。西

王霧橋店

王霧橋 街北頭。闕河上。

下閭河橋 蓮花寺西。南六里。

新豐集

趙 橋 店西南三里。

葉 橋 店西半里。

胡小橋

淤泥港橋

方 橋

銅鐘店

陰陽橋 東街後。

紅石橋街東北

姚橋店東南

姚橋東西二座。集東

王橋集東

周橋紅石東

周家橋集西

鮑家橋集東

溫家橋集東

清北橋清水上

建南橋

建東橋

黃山舖

黃南橋黃山舖南

王家店

三里橋店東

案板橋店東

胡橋店西北

王橋店東

朱橋店東

楊橋店西北

板橋店

西龔橋店西

南龔橋店南

三里橋店南

二濟橋原有濟義濟美二名。又名旱橋。

有蛟龍碑可考。店南。

小黃橋店東

大黃橋店東

寨東橋東寨上

鍾家店

鍾北橋店北首

鍾西橋

鍾南橋街南

朱家店

瓜子橋店北五里橋上

黃橋店西北

新大橋 孟店東一里。

馬橋 店西北八里。

張東橋 張灣東頭。

美人橋 店北十三里，石板有女足迹，及馬鞍形。

皮家店

黎橋 店東八里，黎堰。

楊北橋 楊庄後。

王西橋 王庄西。

汪寨橋 寨東，西各一。

鄧橋 彭小後，寺後。

王橋 普照寺後。

龍纏橋 龍纏寺東，西北各一。

王堂橋 王堂西。

大沈橋

水口橋 小集。

福寧橋 福甯寺前。

小集橋 集東頭。

鄒家橋

范庄店

蕭橋 店東南六里。

范東橋 店東北角。

余堰橋 店東十里。

仙女橋 蕭廟東。

胡堰橋 重佛寺西。

鮑橋 店北六里。

王橋 店西庄。

祝橋 蕭廟東。

大林店

大塘橋 店東南隅。

楊柳橋 店南頭。

金鵝蕩橋 店東南半里。

九門橋 店西北三里。

三門堰橋

七門東橋

接青橋 店西四里。

觀音橋 店東南三里。

傅大橋 店西北七里
隆二十五年傳

姓創

堰窪橋 店西北

阮堂橋 店北

台堰橋 南七門

潘湖橋

涂堰橋 店北

蕭橋 南

涂家店

涂家橋 街西

楊家橋 街西

鴻仁橋 南

呂家橋 街北

王堰橋 街北八里

弓背橋 街西

羅北橋 街北

曾家橋 半里

塗山橋 園東南

方家橋 街西

西羅橋 街西

東楊橋 街東二里

宋大橋 街東

尹西橋 街東

東堰橋 街東

西堰橋 正北門

東窰橋 街東

西窰橋 街北

北大橋 街北頭

西門橋 街西

東南堰橋 街東

葉廟橋 街南

潘家店

大橋口橋 街東

小橋口橋 街東

三官廟橋 街西

小園北橋

呂南雙橋 店東北 六里

祝大橋 店西北 三里

東堰橋

饒堂橋 店東北 七里

王東橋 店東北 六里

季橋 店東北 六里

晏橋 店東北 七里

美人橋 店南 門外

閣東橋 店東北 四里

金樓橋 店東北 七里

鳳足橋 店東 街後

三座樓橋 店北 八里 三座樓 西北

幸寨橋 前幸寨 北各一里 南

幸西橋 店東北 六里 後幸寨 西

土扶橋店

土扶橋 息民李振君捐 費一萬餘串 重修

王橋 店東南 三里

盛橋 店正南 五里

何橋 店西 四里

陡溝鎮

陡東橋 店東 門外

戴北橋 店北 戴灣 門

戴西橋 店西 戴灣 門

藍青店

藍青橋 店北 首

藍坤橋 店西南 六里

藍艮橋 店東北 五里

藍寅橋 店東北 七里

藍甲橋

李通店

李通橋 店南 頭

宋橋 店東 南

羅營

曹廟橋 店前 廟

台子橋 在台子堆 北 民國二十一年建

屬汽車道

李凹橋任羅營東
南四里

小馬橋

鐵橋在李新
集東

石橋東李
七里北

胡冲店

胡冲橋

常橋二店東
里南

戴橋半店東
里東

楊樓橋四店東
里北

高橋二店東
里東

王橋三店東
里南

增益店

增乾橋北店西
隅

增良橋北店東
隅

趙西橋北店

四里橋南店

東張橋店東
里南二七

南張橋八店南
里

蔡庄橋三店東
里北

馬橋

甘橋店東
庄前甘

雙橋店東
朝棟修魏

熊橋南店西

葉店

梁廟橋東西
各一頭

李樓橋三店南
里

劉庄橋一店南
里

弓背橋四店南
里

張廟橋

胡橋七店東
里南

朱橋八店西
里南

鐵佛寺

白水橋毛集東
年寅玉林國四

毛大橋毛集
正東

許大橋在盧
河上

孫大橋毛集南

孫樓夾橋毛集西

宋店

楊橋店西里

晏橋

劉橋

江店

江橋

楊橋

夏橋

白橋

七孔橋

响水河橋

黃魯店

薛廟橋

演武亭

黃家橋店東

王大橋店南半里

鳳凰臺橋店東二座北

王大堂橋店西二座北

寒凍店

普濟橋集西北正德十會館前

四年王恕建。

永思橋集西南五里嘉慶九年王棟續

修。

永固橋集西北三里

三里橋集南三里

張橋集東南許里

高台店

開口橋店南四里

吳灣橋店南三里

張橋店南西

楊橋店南十里

唐橋店南五里相傳此橋最宜低下。

高則主出凶人屢試屢驗。

汝南埠

二龍橋

集東南二里。溫聚英。溫聚華。溫

其仁道光。二年重修。

三里橋

集南三里。金秀彬。溫鍾。洲。民國

四年重修。

玲瓏港橋

集西二里。劉學俊。溫永亮。民十

四年創修。

固城寺

萬曆橋

李樓橋

張橋

高灣橋

余岡南橋

羅岡南橋

楊橋店

小楊橋

汪塚北

侯堂橋

店東三里

袁家橋

袁寨東北。舊名張家橋。

平橋

店東七里

袁寨橋

店東西一各

張橋

店西七里

楊大橋

汪塚南

油坊店

黑大橋

魯店

魯大橋

原名通正橋。光緒十七年。魯姓修。店北半里。

十七年魯姓修。

二板橋

店北一里

劉大橋

店西北一里

塔橋

店西八里

傅家橋

店西五里

閔家橋

店西十里。原名茶壩。

虎頭橋

店東南半里

南門橋

店南外門

興龍橋

店南一里

上楊橋

店東南二里

姑嫂二橋

店南二里。相傳姑嫂二人捐費。

修。此二橋相距五十步。

阮店

龍王橋

李家橋

張家橋

柳林橋

馬橋

小岡橋

韓台店

賈橋

尹橋

劉橋

熊橋

楊橋

張冲橋

楊官橋

楊閣橋

韓東橋

韓南橋

邱店

邱店橋

邱廟橋

忠心廟店

單大橋

傅灣埠

孔家埠

安東埠

(二)津渡
汝河津渡統計

張家埠

吳灣埠

安東埠

(二)津渡

尹家埠

傅灣埠

胡家埠

孔家埠

高台店

全上店

寒凍店

店北里五

頭南北二

邱店後

袁家埠上全

李灣埠

周灣埠油坊店

東袁埠油坊店

瑪瑙埠汝南埠

張家埠城岳

劉窪埠汝南埠

陳門埠汝南埠

吳埠城岳

金家埠原係汝南埠義渡有碑文惜年

代久遠風雨剝落字跡多不可辨今錄其數語以資考証文曰天子得賢宰執曰用

作舟楫非以汝水發

源於天息山其流汪洋浩蕩杜梁難成行

人苦焉今汝南埠乘姓於北河新設義渡

來往行人不索一初乾隆五十年九月

八日始也。

淮河津渡統計

西張埠陡溝店

平和埠上全

東張埠上全

彭灣埠朱家店

龔灣埠上全

上埠潘家店

田坎埠潘家店

李灣埠上全

馮河埠大林店

江家埠上全

蕭家埠上全

危家埠涂家店

曾家埠涂家店

(三)水運

汝河商運地點運具行止情形統計表

地名	運具	行止情形	備考
高台	帆船	經行	汝河自此入正境無集市商業
寒凍	帆船	停止裝卸貨物或常居買賣時常泊船數百艘	汝河過北東二面商業頗旺
油坊店	帆船	經行	不流段短且
汝南埠	帆船	停止裝卸貨物或常居買賣常泊船數較寒凍尤多	坐汝河南岸商業繁盛為四鎮之冠
岳城	帆船	經行	

說

明

汝水河身窄狹。波流平弱。兩岸沙少於土。不崩塌。清光緒以前。淮岸鹽引。由汝水上達汝南。西平等縣。鹽來穀往。船踪如梭。正陽寒凍。汝南埠各埠。日見發達。民圖以來。引岸開放。淮運減消。地方多故。汝水商船。交通日少。河底淤泥。逐漸壅滯。帆影不到汝南。近已有年。正境汝上交通。大受影響。汝洪水利局開辦。已漸未著手。

淮河商運地點運具行止情形統計表

地名	運具	行止情形	備考
黃魯店	帆船 多	經行	淮初入境。附 近無集市。
陡溝	全上	停止裝卸貨物。經過者亦多。無常住者。	
朱店	全上	經行	
潘店	全上	經行。間或暫停者。取卸裝運。	獅水至李灣入淮。竹 篾甚多。水勢較大。
大林店	全上	行止參半	
涂家店	全上	行止參半	曾危二埠。緊相毗連。民多業鹽營 生。兩岸頗有商家。再東即入息境。

明說

淮水正境。交通。以竹篾為大宗。因河性素富沙量。岸疏灘闊。春前秋後。水落沙淤。船行易滯。惟夏流泛漲。風帆輕舟。乃可暢行。尋常載運木料。審器鹽穀雜貨。上達信陽。下轉宣化。店三河尖等處。莫不利用。竹篾清波一篙。即可游行。自如導。淮委員會。進行有年。果加疏濬整理。陡堅流深。不惟竹篾帆船。並行不悖。即小火輪船。亦可上達平漢道。線水陸交通。啣接一氣。

實業志

叙曰。正陽舊有之實業出品。惟黃豆一種。經南方製豆食家。詳加考驗。養料成分。優於別地。故漢口黃豆價格。以正陽產爲較高。滬漢各陸陳商號。羣投資爭購焉。其次如陡溝細布。在清代行銷山陝豫皖數省。亦屬名產。其他若城關蒸酒。若王霧橋醋。若寒凍綾等。雖亦各具優點。惜未能擴充製造。推及遠方。近世實業發達。縣有農林工商各途。亦均設立機關。督促進展。茲特舉天產人作之物品事業。採集臚列。以企將來振興焉。志實業。

農業

農業機關沿革統計表

名稱	規制	職員類數 主任姓名	經費	事蹟	年月	地點	備考
農務會	會長制	阮光輝	會員共籌		二民國元	文昌宮	二年七月因經費難籌停辦
協農會	委員制	呂子白	公款酌支		八民國十	城隍廟	

農會 委員制

五元來人

公欸酌支

十民國二年

名宦祠

全前全前

陳四則舜人

公欸酌支

十民國二年

城隍廟

農事試驗場

場長制

余鴻熙人

照章支給

整理會館
東試驗場

年民國八年

山陝會館

原場係蠶桑校長徐顯廷創辦。余因之。

勸農員

附實業局

趙一元坤人

照章支給

三民國十年

彌勒寺

省令農場歸併實業局。由局長張振坤卸任。後、至民十六年、實業局改名理設局。勸農員仍附之。二十一年一月、建設局歸併縣府。張振坤仍繼農場職。

農場管理員

附縣府

張振坤人

照章支給

十民國二年

縣政府

農產物

穀類統計表

稻

湖南早 粒長質輕、熟早收薄、

倉百石 有芒質平、熟微早、

齊黃躁 色黃熟早、而齊籽易落、

晚秋笨 莖葉茂、需水多、晚熟收厚、

青杆

粘 穀熟、杆仍青、熟晚、

葉兒藏 葉長掩穗、收籽較豐、

紅米 質米色紅、質重耐旱、

旱稻 土濕無水可收、沙灘淤地多種之、

糯稻

卡雞糯 芒長、雞鳥不散食、

猴兒背 粒圓長、無芒、

胭脂紅 粒亮紅、

青杆糯 熟時青、

香米糯

一名玉稻。莖疎收薄。壳黑粒長氣味香烈。

稻穀產於縣南清水港至淮岸三十餘里水田

多處豐收可供全縣米食之用。別區水田數少。

水利不講。產數寥寥。概略詳田地比較表。

附記

小麥

紅芒

躁

壳芒色紅。穗粒大。熟早而豐。

短杆

躁

早熟

白

麥

一粒圓大。色白。一名和尚頭。

笨

麥

熟粒大收豐。熟稍遲。

普通來麥

麥

色黃粒中。熟應節。

大麥

粦大

麥

早熟

米大

麥

無芒粒類小麥

膾

麥

莖葉與麥同。穗粒均變異。

菽

麥

夏秋節穀。早澇夏失耕。種此

荒救

豆

黃

豆

粒小。名金黃。躁。早熟。粒大

名笨。豆。晚熟。

黑

豆

粒有圓長二種。長如腎形。

色明。者佳。

青

豆

粒有大小二種。大者收較

豐。

小

豆

粒有紅黃白三色。苗無大

異。

豌

豆

粒分麻白二種。苗花亦不

同。

漿

豆

白者角粒皆大。紅麻二種

較小。

綠

豆

莢在上。名一。朵雲。在下。名

攻地

大

摘

綠

莢粒較大。春種夏熟。種摘

生種

野

綠

豆

舊年遺子自生。苗莢均同。

黑籽色

大

豆

苗粒皆特大。田畔種下間

之種

扁

豆

秋種夏收。粒小形扁。色灰

白。

刀

豆

角長尺許。寬寸餘。皮腐肥

厚。

蠶

豆

莢長二寸許。粒大。

枚

豆

苗莢生。有青白二種。莢長

許。二寸

雜穀

穀 即粟、通名穀子。早種者黃。

白紅三色。烏灰色。係秋穀。名寒休。

黍 米色

稷 米色

秫 俗名高粱。蜀黍。有黑紅糯。

三種。種有老冠。披毛鬼。打鼓。等。別。

玉

穀 似玉。蜀黍。種似玉。因名。

子。種有皮。又名包穀。

脂

麻 黃白黑三種。並有八股盆。

一條。等形名。

附

邑境穀產數。以小麥為大宗。黃豆次之。稻又次之。再次則種與雜豆。餘皆附屬。

記

卉類統計表

草

棉 苗高一二尺。籽黑白二種。

農家皆種。供常衣用。

洋

棉 德美各三種。苗皆高三四尺。

歷經散籽。種未散及。

青

麻 莖葉皆青。高五六尺。農家皆種。專作繩索。

皆種。專作繩索。

紫

麻 莖葉皆紫。比青麻高大。

火

麻 枝葉繁茂。高六七尺。沿河園圃或植。

園圃或植。作繩織網。

苧

麻 前全

大

麻 枝如大豆。色灰斑。籽有油。皮無用。種者少。

灰斑。籽有油。皮無用。種者少。

槐

藍 枝葉如槐木。故一名木藍。

富院質。為染青要品。農多種之。今為洋靛所抵。

蓼

藍 葉如蓼。可再刈。餘同。

藍 葉多開紅花。莖葉多刺。花能染紅。舊時紅花必需。種多。今被洋靛殆盡。

紅

藍 葉多開紅花。莖葉多刺。花能染紅。舊時紅花必需。種多。今被洋靛殆盡。

種多。今被洋靛殆盡。

甘

蔗 葉似蔗。而短。繁殖密茂。成林。汁甜。入水。亦厚。園圃多植。收益亦厚。

成林。汁甜。入水。亦厚。園圃多植。收益亦厚。

菸

草 莖高四五尺。葉大而厚。葉絲。售價極厚。農爭種之。

葉絲。售價極厚。農爭種之。

山

芋 苗蔓生。根實。分紅白二種。收厚於穀。種者益加多。

收厚於穀。種者益加多。

落

花生 莖花著地。根乃生。藥有小。沙灘種。此收。大加二倍。故沿河出產多。

大加二倍。故沿河出產多。

葱

蔥 宜春秋。分葱宜夏。

蔬類統計表

蔥 宜春秋。分葱宜夏。

韭 菜

芥 菜
之。
佳。疝堅實者次。

蒜
毒能解
無大蒜產量多。

芹 菜

芫 菜
二青紅
芽種。舊購自漢川。自陡溝。

薑
戴梅臣發
明自育。

劈 藍
形圓而光
一名芥藍。

菘
即秋白菜。一曰黑白菜。

黃 芽 菜
鐘即大白菜。銅鐘產者鮮美。

瓢 兒 菜
無液。
冬即箭杆白菜。此鮮。農家醃為常菜。

辣 菜
嫩食頗鮮。醃者驅乾為梅。

雪 裏 紅
滋乾味永。
即苦辣菜。性耐寒。

菠 菜
美。
入葉味細軟。配飯湯尤鮮。

油 菜
子一名芸苔。菜子可榨油。

芋 奶
芋一名芋頭。

高 苜 蓿
葉可醬食。香筍葉。莢粥佳。

菊 菜
郡守自安徽帶來。
縣境無此。光緒間李

諸 葛 菜
或謂即蔓菁。有歐兒蔓菁。

蘿 蔔
紅。汝產最多。穿心紅。係寒凍特產。

胡 蘿 蔔
紅黃二色。質長味甘。

薯 蕷
近漸減少。
即山藥。舊為菜品之精者。

蘆 荻
俗名香菜。一名胡荻。

五 香 菜
子青白紫三色。形有長圓。

茄 子
青白二色。嫩可煮食。條老可作瓢。

牛 鼻 圈 菜
可作瓢。

豆 角
如箸。農家常蔬。
青白紫灰四色。長尺許。形

金 鍼
俗名黃花菜。苞黃細長。故名金鍼。苞短花紅者次之。

苘 香
有二種。大小

萵 蒿

倒鈎菜 形如鈎。產於寒凍。蔬類甚多。味。

辣椒 種類甚多。蔬中要味。

洋薑

洋白菜

豆芽 豆芽最佳。綠豆芽次之。

藕

瓠子 瓠子。長如一。瓠子。腹大柄短。為瓠子。夏初食。

洋蔥

洋苜菜

荊芥

以上四十一種皆園農種植

馬齒莧

灰微菜 又名白蒿。

土壤

薺菜 菜麻青二種。味極香甘。

馬藍頭

麵條菜 葉細長。

野苺菜 根即薤白。

苜蓿菜

仙人掌菜 即地團。一名地菜。皮。雨中生。晴即無。

以上八種皆野生

瓜類統計表

王瓜

南瓜 配米麵作羹飯。味甘。貧農接青黃。

絲瓜 嫩可作蔬。老成絲。套可拭杯盤。

甜瓜 皮分黑白。紅花四種。

西瓜

酥瓜 脂分紅白。有角。等名目。味亦甜淡不同。

癩瓜 色紅。皮多粒。結。近玩品。味甜美。

苦瓜 伴肉食。清心火。植者無多。

菜瓜 味清淡。有秋熟。開水燻之。攪成菜條。

攪瓜 調食鮮美。

冬瓜 一曰東瓜。作常蔬。可歷冬春。

釣瓜 一名笋瓜。亦熟食蔬品。

土壤關係農產甚鉅。『穀』『蔬』『樹』『菓』均須因地之宜。茲就全縣河港流域，分別列表志之。

正陽縣全境土壤區別表

區域	土色	土質	土性	備
淮河流域	黃	濃腴	黏	農產物以稻麥蔬瓜果爲大宗。
清水港流域	黃		黏	農產物以麥豆高粱爲大宗。穀稻次之。
閭河流域	白		黏	農產物以麥豆高粱爲大宗。
慎水流域	黑	堅爽	黏	農產物以麥芝麻豆高粱爲大宗。
汝河流域	黃	爽潤	散	農產物以麥芝麻黃豆穀蔬菓爲大宗。
白河流域	黃	堅	黏	農產物以麥豆高粱爲大宗。稻次之。

附記

清水港閭河之間。東西一帶，黑土窪地。耐旱易澇。雨澤稍多。動輒澇荒。難施犁鋤。甚則停澇連月。農民苦之。勢宜改置水田。開鑿溝渠。斟酌蓄洩。變水患而爲水利。增加穀產。不在少數。

農具

正陽縣全境水田旱地平均比較表

區別	水田	旱地	備考
第一中區	百分之六	百分之九十四	水田多由天然雨澤。不加人力灌溉。
第二東區	百分之十二	百分之八十八	水田半由天然雨澤。半用人力灌溉。
第三南區	百分之三十七	百分之六十三	水田均多用人力灌溉。補雨澤之缺欠。
第四西區	百分之十四	百分之八十六	水田大半由天然雨澤。少數用人力灌溉。
第五北區	百分之五	百分之九十五	水田全由天然雨澤。人力灌溉者極少。

耒	鑿	耨	推爬	刮板	土箕	碾	磨	麩箱
鍬	鋤	釘耙	糞籠	秧馬	秧架	套綆	扁擔	小車
錘	鏟	芟	秧爬	籬筐	麻籠	拖車	繩車	大車
鎌	戳子	鋤	撈拖	戳斗	布袋	馬車	牛車	
木掀	揚叉	掃帚	把斗	木礮	簸箕	水車	<small>有足車手車之別</small>	穴圈
石礮	撈石	掠爬	竹篩	風簸	網包	困	搖漏	<small>分行布種之器</small>

總計 百分之十四、四 百分之六、六

林業

林業機關歷程統計表

名稱	地點	面積	木類株數	開辦年月	經理姓名	備考
森林試辦所	北關、南關、方院東	四畝	檉柳五百株	光緒三十一年	知縣王拱震	所址街宅草房四間。今房林均廢。
桑園	南關、方院東	二處十畝	桑八百五十株	光緒三十年	全	地係十方院捐，已廢。
第一苗圃	城東六里、何橋東	六十畝	柏桑槐橡柳共三千五百二十四株	民國八年	知事張錫典、局長余鴻熙、繼任余濟川。	
第二苗圃	城西、武亭、和尙庄	二十二畝	橡柏雜木一千一百三十株	全	全	
第三苗圃	城西、和尙庄	四十畝	橡槐柏椿榆柳各苗數萬株	民國五年採子、十九年春播種	建設局長張贊元	並於城外隙地栽活雜木六千餘株

附記

苗圃自民國十二年，陳世昌為圃長後，十三年歸併實業局。十六年又改實業局為建設局。圖務由局長許廷儒、羅廣文、張贊元等，繼續負責領辦。二十一年建設局歸併縣府，第三科。僅留張振坤為苗圃管理員。

民有森林

一縣東北固城店葉家柏林。扁柏五千八百餘株。清光緒時，葉增月創造。私有。

一縣西南二里袁墓林。扁柏一千九百餘株。民國初年袁家驥創造。私有。

木類 果木藥品附

柏

柏子仁側柏
葉均入藥。

桑

皮葉均
入藥。

橡

赤楊霜降葉
赤。材理亦赤。

梓

實入
藥。

桐

有青白二
種。梧桐少。

柳

有大葉別。
線柳。

楸

雌梓之

棟

椿

嫩葉作菜。味香佳。
材作菜。不變味。

枸杞

子名枸杞子。根
名地骨皮。入藥。

柘

嫩葉可
飼蠶。

檀

紅白二種。
白宜造車。

楮

俗名皮樹。亦名穀
桑。皮可為布與紙。

檇

即臭椿子名
龍眼肉。入藥。

榆

嫩葉可蒸食。
根皮造香用。

木瓜

入藥。

檜

柏葉松身。城東關東
嶽廟。二株。高三丈餘。

枸骨

俗名枸杞骨。青葉長
二三寸。肌理甚白。

榿

一名抱嫩
葉可食。

棕

養花家、
間植。

花椒

垂楊柳

一名水楊。葉細紅。
刺柏。下垂。花淡紅。

枸橘

俗名臭桃。形如橘、
多刺。實大如彈丸。

絨戎樹

烏白

染黑布。子可配油泥。

木槿

長條
叢生。

皂莢

多刺。莢
可洗垢。

接骨木

河柳

淮灘植林頗多。每
大水漲後。輒自生。

冬青

棘 多刺如聚而小。

杏 入杏仁藥。

櫻桃

核桃

桃 有五月仙頭接、二接三接之別。其子

生者有白桃、毛桃、秋桃、桃仁可入藥。

葡萄

海棠梨

李 有朱紅實大等。

石榴

無花果

梅

軟棗 亦名墨棗。

柿

榧子

梨

棠梨

棗

沙果

栗

白果

草類

瓊草 堅實、葺屋用、農家有種至十餘畝者、河南

通志、作淮、

穀精草 生稻田、長寸許、頂有圓粒入藥、

馬兜鈴

麩麥瓊 莖似麥、葺屋用、

夏枯草 入藥

氣刺芽

茅草 多植墳場、田畔、可葺屋、

蝦蟇草 葉如蝦蟇皮、入藥、

莠草 俗名狗尾、苗似穀、

野芹

王不留行

藥入

莎草

根即香附子入藥

稗草

苗似稻子可作蒸酒

薄荷

藥入

彙草

莖勁叢生多作地界草

艾

牡豬油

辣蓼

蒲草

兔絲子

藥入

牛舌科

黃蒿

括蕁

根即天花粉入藥

益母草

即四稜蒿紅花者入藥

車前草

藥入

吉祥草

含羞草

紫蘇

鳳尾草

天南星

藥入

半夏

老鸛爪

青蒿

葳靈仙

俗名老龍鬚入藥

金線草

豨薟草

馬鬚草

即結巴藤

鼓椎草

蒲公英

即黃花地丁入藥

如意草

爬牆龍

紫花地丁

藥入

芍藥

何德昭專植

當歸

全前

斑鳩窩

旱蓮草

麥浪科

葶藶子

降龍草

解毒、入藥、

鴨跖草

金沸草

刺蒺藜

蝎子草

解毒、避火、蟻、毒、植、地、

瓦松

白頭翁

見腫消

牛蒡子

入藥

百合

入藥

蒼耳子

無名子

牽牛

子名黑白、丑入藥、

礪豆子秧

茵陳蒿

田三七

忍冬藤

辦子草

天匏

苻菜

瞿麥

入藥

馬兜

胡

茄子名胡蘆巴、

蘋

藻

馬勃

入藥

茜草

止血入藥

葶麻子

葶薺苗

破錢草

菱角

有二角四角、及青紅等別、

菰首

一名茭白

茨菰苗

牛毛毡

雞頭菱 子即
芡實。

蓮

金絲荷

亞支奶 一名野
多生寺廟大
院。

蔦蘿

萱草

書帶草

萬年青

仙人掌

石菖蒲

浮萍

狼尾草

蒼草

馬鞭草

竹類

叢竹 產多而
多而小、

水竹 節平而
上下一致、

天竹 觀玩
品、

紫竹 間或有
作玩品、

筆

毛竹 皮粗
燥、

線竹 葉大而
植線園、

文竹 觀玩
品、

方竹 略帶
方形、

附

葦 幹、節、根、似竹、長
丈許、中空、皮薄、

荻 白色
幹、節、根、亦類竹、
長五六尺、中空、

青荻 皮厚、色
蒼、

按正陽植竹。祇淮北一帶。間有三五畝之密林。餘則產地甚少。用竹盡購自信陽。至

類竹之葦荻各林。淮灘歷段多有。柴用頗資補助。故附諸後。

花類

梅	凌霄	木香	繡毬	鳳仙	罌粟	碧桃	紫荊	萬春蘿
絳桃	薔薇	美人蕉	菊	迎春	金銀花	茶蘼	瑞香	玉簪
牡丹	水仙	丁香	芙蓉	雞冠	紅花	臘梅	蝴蝶	杜鵑
梔子	玫瑰	牽牛	茉莉	月季	紅蓼	虞美人	長春	吉祥
芍藥	晚香玉	龍爪	洛陽錦	夾竹桃	紫薇	萬年青	秋葵	
			玉蘭	海棠	桂			

正陽縣所有花園。在道咸年間。銅鐘貢生王夢清。建花園於西街後。柿柏成林。脩竹環遶。盆魚窗草。芳樹名花。無所不備。作教諭歸來。時與邦人士。讀書遊詠其間。頗稱名勝。子孫世守。清末漸荒。潘店有潘姓花園。未久即廢。民國初年。袁乃寬建花園於城東關。佈置較備。近阨時局。日就荒蕪。城西北有周花園。祇餘人家村落。勝景無遺。

卽此遊觀一端。亦盛衰得失之林也。

鳥類

雞 鶩

鴉 似鳥腹白而小不反哺

燕鳥 似鳥而項白聲惡人厭之

百舌 鷓鴣 鴨

雉 鳩 戴勝

桑扈 鵓鵒 鵝

鴻 鷓 鷺鷥

翠雀 兔虎 鴿

雁 鳧 啄木

竹雀 花雀 燕

烏 純黑而反哺孝鳥也

鴛 伯勞 稻雞

子規 鵲 鷓

鸛 鵲 鴿 雀

蘆雞 鷓 且 鷹

鷓 布穀 八哥

鷓 畫眉 鷓

鷓 洋鷓

割麥插禾 春鷓

獸類

馬 牛 騾

驢 犬 羊

水牛 即吳牛 豕

貓 鼠 鼬 鳥色

鼠狼 似鼠而大色黃 獺

兔 獾 一名爬地獾肯穴墓中

狷 狸 通名野貓

家兔

魚類

鯉 鮪 青魚

鰱頭魚 鱖魚 黃介

魴魚 船釘魚 礮魚

鯽 鮎 鱧魚 黃白二種

烏魚 亦名火頭 鱧魚

黃板 草魚 鱖拍魚

鱖 泥蝦

甲蟲類

龜 龜 螺螄

天螺 一名牛 土鼈

蠹魚 樹枷子 麥牛

蚌 龜 蛤蜊

螃蟹 有黃紫金錢等別 螻蛄 一名土狗

花大姐 螻蛄

蚰 螻之黑而大者 螳螂

羽蟲類

蜂 有蜜蜂土蜂馬蜂等別

蜻蜓 蚊 蠶蛾

蟋蟀 一名吟蛩 青蠅

蜡 螞 螻 螻之初生名

蜂蟻 虻 螢

蟬 秋蟬一名秋娘寒蟬不鳴一名寒蟬

蝴蝶 麥蛾 蒼蠅

狗蠅 蝗 螻蛄

裸蟲類

蠶 蛇 水旱黑花二七寸等別

守宮 俗名蠆虎 蠍子

蜈蚣 蜘蛛 蟻

蝦蟇 青蛙 孑孓

水蛭 大者名馬蛭 蚯蚓

蜘蛛 丈母蟲

壁錢 即壁上花蜘蛛 臭蟲

蝨 麥蚧 棉蟲

蝌蚪 即蛙之幼子

蟻 木果蟲

螟 食苗蟲

蝨賊 食苗根蟲

斑蝥

蠶 食苗節蟲

漁業

正陽漁業向未講求。其取諸川澤。畜諸池塘。一聽民人自為。公家從不過問。民國來。官紳曾經提倡。又阻於民智不開。莫收效果。茲謹就公私漁業之辦理經過。暨川澤產魚之確有憑藉。可圖發展者。分列於篇。以俟後賢。

公有漁業

城濠養魚。民國八年。知事張錫典。商令公款局購嘉魚幼苗。放養城濠。成效頗著。並令各村長。普組漁業會。以三十家為一組。所有池塘。均養嘉魚。定章保護。張去旋廢。

蓮花湖養魚。朱家店南蓮花湖。即臨淮城邊濠。東西毗連。面積共九十餘畝。清波淵深。常年

不涸。民國十三年，區紳張孔書魏尙徵等公籌就此古湖開澤，興辦漁業，藉助公益，並擬定落底增隄，加多水量，湖面溉田，餘水養魚，漁農兩全，雙方兼顧，業呈准縣府委辦在案。中以區民誤會，發生意見，遂暫停止。其他故城遺濠，天然湖泊，暨各濠濠，均深者可藉興漁業，增加出產。

編類提
倡得人。

民有漁業

皮家店魏鴻萬有街東魚塘數畝，注意護養，產魚之多，沾溉一方，獲益頗厚。

皮家店北黃大生家舊股實寨前大塘，養魚素多，咸同捻亂，逃避數年，亂後返里，地荒倉空，度歲無資，擬售庄田一份，受主留難未就，適遇漁人抬網擔船，頓想起塘魚猶存，可救眉急，遂邀留漁人捕獲數十擔，售價應用，不惟庄田保留，並接濟佃鄰多家。張紳培林，在城東南鑿魚塘一口，專人護養，民國十年左右，產魚頗佳，城關宴會多資焉。

按以上數家，略舉衆所聞知，以見一斑。其他普通農村，凡有池塘，莫不年購魚苗，育養

備用。多則售價、獲利自然。是亦實業之不勞而理者也。

河流漁業

汝河土沃水肥。鱗族繁殖。寒、固、汪、高、油、汝、岳、七店。沿汝岸貧民。類多結網操筌。捕魚依爲生活。每年汝水取魚。概數約達數十萬斤。縣城食魚。以汝產爲大宗。

淮河沙多於土。產魚較遜於汝。沿岸黃陡朱潘大涂六店。漁戶不及淮南之多。得魚數量。每年二十萬斤之譜。

閩河、白水、清水、慎水、汝淑、各港。暨塘堰溝渠。天產魚蝦。所在皆有。其失業民衆。以水作田、謀衣食於魚業者。亦實繁有徒。統計年得之數。亦不下數十萬斤。

魚具

罾網 撒網 撈網

趕網 挑網 抬網

絲溜網 母豬袋 過河清

爬網 作揖網 鷹筏

暖塢 插鈎 鈎鈎

亮箔

蠶業

正陽蠶業，舊惟民間婦女零星養蠶用絲，間或售價。民國元年，官紳籌設蠶桑小學，每年實習養蠶，以符名義。辦理數年，未見發展，嗣漸廢停。

蜂業

正陽蜂業，屬公辦者，民國二十年，建設局買蜂一箱，意圖試辦。因飼養失宜，漸即散亡。惟西巖店紳何本仁，私立同樂蜂場，養本國蜂意國蜂，共數十群，稍有進益。但限於私人力薄，未易擴充。

牧業

正陽舊無荒山曠澤，不宜畜牧。惟李唐中葉，城東龍陂港。

蓮花寺境即閩河中流

一帶河陂。淮蔡

淮西鎮蔡州今汝南縣

資爲牧場。迨元和十二年，就此地設龍陂監，興辦水利。繼此，未聞牧場

之設。近代民間牧事，祇豬羊雞三種。間或家畜百數十頭，售裕日用。至牛馬騾驢，農民取足助耕，無專事牧養爲業者。

商業

正陽僻處平原。交通不便。商業無甚可述。近年商戰日烈。國府設部提倡。各縣均設商會。專司商務。力圖發展。茲據縣商會歷程。暨商業概況。列志如左。

正陽縣商會歷程一覽表 附商事公斷處

主任姓名	職員名額	任期	經費	地址	備考
會長 袁瀛洲	二	民國元年	自本會	南關帝廟	會長兼公斷處長。會員兼幹事。平議各職。庶務文牘。得月聘。
副會長 郭連益					
會長 盧桂枝	二	民國三年	全前	全前	
副會長 郭連益					
會長 郭連益	二	民國六年	全前	全前	
副會長 戴修亮					
會長 戴修亮	一	民國十二年	全前	全前	
副會長 高振斌					
會長 潘文亭	一	民國十六年	全前	全前	

副會長	阮子平					
主席	袁瀛洲	三	民國十七年	全前		功令改為委員長制。內設主席一名。常務四名。執行十七名。調查三名。嗣又改調查為監察。
主席	阮福臣		民國二十年			
主席	舒敬安		民國二十一年	中山街		

正陽城鎮商業。惟南關行棧舖店最多。百貨雲集。牛馬豬羊糧食等行。亦集聚開設於此。是以人煙稠密。交易喧闐。較為繁盛。次則南大街闌閤整齊。殷實商號。多就貨殖焉。北大街舊有祁環興、三興公、泰順、天興、豫豐厚、各當業。同仁堂藥業。再次則北關略具肆市觀。餘均遜矣。四境鎮市。汝南埠寒凍二鎮。汝水舊多鹽糧船商。陸有豬羊雜貨各商務。亦稱殷繁。陡溝鎮舊時布花市業。最稱興盛。淮岸鹽船貨簾亦多。銅鐘鎮市面範圍頗大。地當南北通衢。舊有山西祁環生貞元和等當商。暨湖北覃懷油餅雜貨各行店。以上商業。前清均極發達。有裨地方緩急。自鐵道興。汽車通。惟黃豆出售時期。日可收價過巨萬。餘則退化不堪矣。近匪患益形衰落。

工業

正陽偏僻閉塞。民多務農。工藝素少。所有金石土木織陶皮竹諸業。類多粗樸陋劣。圖應當地需要。藉謀生活。初無精緻新巧。改良發展之技能。民國來。官紳應付功令。曾經辦工廠。組工會。亦迭起迭落。成效莫收。茲姑取工業應載之點。述於篇。

公辦工業

民國四年。知事丁景炎。就儒學署設平民工廠。招工徒二十名。分習織染皮三業。布正皮箱。差有成績。後因經理失選。基款漸虧。民國七年。袁家驥因此原有物品。添置鐵機。改爲公私合辦。遷廠址於大寺。專辦織業。嗣因時局停廢。民國十八十九二年。先後續辦工廠。著手工作。均阻兵匪。破壞無遺。

民作工業

織工 織工 織工

鐵業

鑄造鐵器。未鐸車圈。稱錘等物。爐坊。城南關冷姓。陡溝余姓。銅鐘。寒凍。汝南埠。均有多

家。大宗鑄鍊。足敷本縣需用外。並分銷鄰縣。頗得利益。民國有鐵工師鍾方城。製造精良。善配快槍零件。並仗義善交。稱時良冶。

紡織業

陡溝附近居民。家盡設機。人精紡織。紗細布密。暢行潁亳及山陝二省。商販極多。每早晨布市。張燈交易。備極繁盛。寒凍織綾亦佳。故寒綾陡布。一致著名。近受洋貨侵略。衰替殆盡。

釀業

正陽蒸酒。味極醇濃。運過淮水。尤加香烈。舊時城關民戶。多以釀酒興家。近年各鄉。造酒日多。分銷於光羅信確各縣。獲利頗厚。惟糜穀耗柴。民食大受影響。得不償失。至王霧橋井水釀醋。氣芳味醇。超過山陝出品。並能療多種病傷。惜無大宗製造。未能遠及。

工會

民國十八年縣工界組織八作工會。委員三人。後改爲工會。理事三人。二十年改爲建築業工會。理事五人。經費由會員自籌。